

ভূত পত্নীর দেশ ॥ অবনীন্দ্রনাথ ঠাকুর

ভূত
পত্নীর
দেশ

কুন্ড ব্যক্তিগত পাঠাগার



www.Banglaclassicbooks.blogspot.in

আমার কথা

বাংলা বইয়ের স্বর্ণখনি আমার সংগ্রহে আছে। যে বইগুলো আমার পছন্দ এবং ইতিমধ্যে ইন্টারনেটে পাওয়া যায়, সেগুলো বতুল করে ছ্যান বা করে পুরনোগ্রন্থো বা এডিট করে বতুল ভাবে দেবো। যেগুলো পাওয়া যাবেনা, সেগুলো ছ্যান করে উপহার দেবো। আমার উদ্দেশ্য ব্যবসায়িক নয়। শুধুই বইয়ের পাঠকের কাছে বই পড়ার অভ্যেস ধরে রাখা। আমার অগ্রণী বইয়ের সাইট সৃষ্টিকর্তাদের অগ্রিম ধন্যবাদ জানাচ্ছি যাদের বই আমি পেয়ার করব। ধন্যবাদ জানাচ্ছি বন্ধু অশ্বিনী প্রাইম ও পি. ব্যাভাস কে - যারা আমাকে এডিট করা রাস্য ভাবে শিখিয়েছেন। আমাদের আর একটি প্রমাস পুরোনো বিস্মৃত পত্রিকা বতুল ভাবে ফিরিয়ে আনা। আগ্রহীরা দেখতে যাবেন www.dhulokhela.blogspot.in সাইটটি।

আপনাদের কাছে যদি এমন কোনো বইয়ের কপি থাকে এবং তা মেয়াদ করতে চান - যোগাযোগ করুন -

subhajit819@gmail.com

PDF বই কখনই মূল বইয়ের বিকল্প হতে পারে না। যদি এই বইটি আপনার ভালো লাগে থাকে, এবং বাজারে হার্ড কপি পাওয়া যায় - তাহলে সন্তুষ্ট সন্তুষ্ট মূল বইটি সংগ্রহ করার অনুমোদন মইল। হার্ড কপি হাতে নেওয়ার স্বাভাবিকতা, সুবিধে আমরা মানি। PDF করার উদ্দেশ্য ছিল যে কোন বই সংরক্ষণ এবং দূর দূরান্তের সকল পাঠকের কাছে পৌছে দেওয়া। মূল বই কিনুন। লেখক এবং প্রকাশকদের উৎসাহিত করুন।

There is no wealth like knowledge,

No poverty like ignorance

SOBJAJOIT KUNDU



ভূতপত্নীর দেশ

‘মাসি পিসি বনগাঁ-বাসী বনের ধারে ঘর
কখনো মাসি বলেন না যে খইমোয়াটা ধর।’

কিন্তু এবারে মাসি পিসি দুজনেই ডেকেছেন। আগে মাসির বাড়ি এসেছি পালকি চড়ে। সেখানে মোয়া খেয়ে পেট ধামা করেছি। এখন পালকিতে শুয়ে পিসির বাড়ি চলেছি। মাসি চাদরের খুঁটে খই বেঁধে দিয়েছেন—পথে জল খেতে; হাতে একগাছা ভূতপত্ৰী লাঠি দিয়েছেন—ভূত তাড়াতে; এক লণ্ঠন দিয়েছেন—আলোয়-আলোয় যেতে।

হুপ্পাহুমা পালকি চলেছে বনগাঁ পেরিয়ে; ধপড়ধাঁই পালকি চলেছে বনের ধার দিয়ে, মাসির ঘর ছাড়িয়ে, ভূতপত্ৰীর মাঠ ভেঙে, পিসির বাড়িতে।

পিসির দেশে কখনো যাইনি। শুনেছি পিসি থাকেন তেপাস্তুর মাঠের ওপারে সমুদ্রের ধারে, বালির ঘরে। শুনেছি পিসি কাঁকড়া খেতে ভালোবাসেন। কিন্তু লোক তো পিসির বাড়ি যায় কত! যে ভূতপত্ৰীর মাঠ। দেখেই ভয় হয়! এই মাঠ ভেঙে হুপুর রাতে পিসির বাড়ি চলেছি। চলেছি তো চলেইছি; ‘হুঁইয়া মারি খপরদারি!’ ‘বড়া ভারি খপরদারি!’

মাঠের মাঝে একটা শেওড়াগাছের ঝোপ, অন্ধকারে কালো বেরালের মতো গুঁড়ি মেরে বসে আছে। তারই কাছে ঘোড়ার গোর, তার পরেই তেপাস্তুর মাঠ! হাটের বাট ওই শেওড়া-তলা পর্যন্ত; তার পরে আর হাটও নেই, বাটও নেই; কেবল মাঠ খুঁখু করছে।

এই শেওড়া-তলায় পালকি এসেছে কি জ্ঞান বস্ত ঝিঁঝিঁপোকা তারা বলে উঠেছে—‘চললে বাঁচি!’ ‘চললে বাঁচি!’ কেন রে বাপু, একটু না হয় বসেছি, তাতে তোমাদের এত গায়ের জ্বালা কেন? ‘চললে বাঁচি!’ চলতে কি আর পারি রে বাপু? অমনি ঝিঁঝিঁ-

পোকার সর্দার ছুই লম্বা-লম্বা ঠ্যাং নেড়ে বলছে, ‘ওই আসছে চিঁচি ঘোড়া চিঁচি!’ ফিরে দেখি গোরের ভিতর থেকে ঘোড়া-ভূত মুখ বার করে পালকির দিকে কটমট করে তাকাচ্ছে! ওঠা রে পালকি, পালা রে পালা! আর পালা! ঘোড়া ভূত তাড়া করেছে — বাড় বৈকিয়ে, নাক ফুলিয়ে আগুনের মতো ছুই চোখ পাকিয়ে!

ভয়ে তখন ভূতপত্নীর লাঠির কথা ভুলে গেছি। কেবল ডাকছি — জগবন্ধু, রক্ষে করো, মাসিকে বলে তোমায় খইয়ের মোয়া ভোগ দেব। বলতেই আমার খুঁটে বাঁধা খইগুলি রাস্তায় ছড়িয়ে পড়েছে। মাসির বাড়ির খই — জুঁইফুলের মতো ফুটন্ত ধবধব করছে খই — রাস্তা যেন আলো করে। ঘোড়া-ভূত কি সে-লোভ সামলাতে পারে? খই খেতে অমনি দাঁড়িয়ে গেছে। বেচারা ঘোড়া-ভূত খই খেতে মুখটি নামিয়েছে কি, অমনি তার ভূতুড়ে নিশ্বাসে খইগুলি উড়ে পালাচ্ছে! যেমন খইয়ের কাছে মুখ নেওয়া অমনি খই উড়ে পালায়। খইও ধরা দেয় না, ঘোড়াও ছাড়তে চায় না। ঘোড়া-ভূত চায় খই খায়, খই কিন্তু উড়ে-উড়ে পালায়।

ঘোড়া চলেছে খইয়ের পিছে, খই উড়েছে বাতাসের আগে, আমি চলেছি পালকিতে বসে ঘোড়া-ভূতের ঘোড়দৌড় দেখতে মুখ বাড়িয়ে। কখন যে মাঠে এসে পড়েছি মনেই নেই। সেখানটায় বড়ো অন্ধকার, বড়ো হাওয়া — যেন ঝড় বইছে। মাসির দেওয়া একটি লষ্ঠনের মিট-মিটে আলো অনেকক্ষণ নিভে গেছে। অন্ধকারে আর ঘোড়াও দেখা যায় না, খইও চেনা যায় না। বেহারাদের বলি — আলো আলো; কিন্তু হাওয়ায় কথা উড়ে যায়; কে শোনে কার কথা! এমন হাওয়া তো দেখিনি! আমার ভূতপত্নীর লাঠিটা পর্যন্ত উড়ে পালাবার যোগাড়। লষ্ঠনটি তো গেছে, শেষে লাঠিটাও যাবে? আচ্ছা করে লাঠি ধরে বসে আছি। বাতাসের জোর ঝেঁঝেই বাড়ছে।

সর্বনাশ! এ যে দেখছি বীর-বাতাস! এ বাতাসের মুখে পড়লে তো রক্ষে থাকবে না — পালকিশুদ্ধ আমি, আমার লাঠি, আমার ছাতা, ধুতি-চাদর, পোঁটলা-পুঁটলি, বিছানা-বালিশ কাগজের টুকরোর

মতন কোথায় উড়ে যাবে তার ঠিকানা নেই। পথে জল খেতে হু-মুঠো খই ছিল, তা তো ষোড়া-ভূতের সঙ্গে কোথায় উড়ে গেছে। শেষে বীর-বাতাসে আমিও উড়ে যাব নাকি? শীতেও কাঁপছি, ভয়েও কাঁপছি। পালকি ধরে বীর-বাতাস এক-একবার কাঁকানি দিচ্ছে, আর হাঁক দিচ্ছি, 'সামাল, সামাল।' ভয়ে জগবন্ধুর নাম ভুলে গেছি। পালকিখানা ছাতার মতো বেহারাদের কাঁধ থেকে উড়ে আমাকে স্কন্ধু নিয়ে গড়াতে-গড়াতে চলেছে। পিছনে 'ধর! ধর!' করে পালকি-বেহারাগুলো ছুটে আসছে।

একটা বুড়ো মনসা গাছ, মাথায় তার হলদে চুল, বড়ো বড়ো কাঁটার বঁড়শি ফেলে বালির উপর মাছ ধরছিল। মনসাবুড়োর ছিপে মাছ তো পড়ছিল কত! কেবল রাজ্যের খড়কুটো আর পাখির পালকি হাওয়ায় ভেসে এসে বুড়োর বঁড়শিতে আটকা পড়ছিল। এমন সময় আমার চাদরখানা গেল বঁড়শিতে গঁথে। আর যাব কোথা? পালকিস্কন্ধু বালির উপর উলটে পড়েছি। বেহারাগুলো একবার আমাকে ছাড়াবার জেগে পালকির ডাঙা ধরে আমার চাদরটা ধরে টানাটানি করলে, কিন্তু বাতাসের চোটে কোথায় উড়ে গেল আমার সেই উড়ে বেহারা ছ-টা, তাদের আর টিকিও দেখা গেল না!

মনসাবুড়োর হাসি দেখে কে! ভাবলে, মস্ত মাছ পেয়েছি। কিন্তু আমার হাতে ভূতপত্নী লাঠি আছে তা তো বুড়ো জানে না! লাঠি দিয়ে যেমন বুড়োর গায়ে খোঁচা দেওয়া অমনি ভয়ে বুড়োর রক্ত হুধ হয়ে গেছে—সে তাড়াতাড়ি আমাকে ছেড়ে দিয়েছে। পালকিটা ঠেলে তুলে বিছানা-পসুর পোঁটলা-পুঁটলি যা যেখানে পড়েছিল গুছিয়ে নিয়ে, চুপটি করে বসে আছি—কখন বেহারাগুলো ফিরে আসে। মনসাবুড়োর গা বেয়ে দরদর করে শাদা হুধের মতো রক্ত পড়ছে। সেও কোনো কথা বলছে না, আমিও শাদা রক্ত দেখে অবাক হয়ে চেয়ে আছি।

বুড়ো খুব রেগেছে; তার গায়ের সব রোঁয়াগুলো কাঁটার মতো সোজা হয়ে উঠেছে। অনেকক্ষণ গোঁ হয়ে বসে থেকে মনসাবুড়ো

আমার দিকে চেয়ে বলছে, ‘দেখছ কী ? বড়ো আমোদ হচ্ছে, না ? বুড়োমানুষের গায়ে খোঁচা দিয়ে রক্তপাত করে আবার বসে-বসে তামাশা দেখছ, লজ্জা নেই ! যাও না, ছাড়া পেয়েছ তো নিজের কাজে যাও না !’

আমি বললুম, ‘যেতে পারলে তো ! পালকি-বেহারা নেই যে ! তারা আশুক তবে যাব ।’

শুনে বুড়ো হো-হো করে হেসে বললে, ‘কেন পা নেই নাকি ? হেঁটে যেতে পারো না ? নবাব হয়েছ ?’

আমার ভাবি রাগ হল । বুড়োর বঁড়শির আঁচড়ে দুই পা ছিঁড়ে তখনো আমার ঝরঝর রক্ত পড়ছে । আমি রেগে বললাম, ‘পা ছুটো কি আর রেখেছ ! আঁচড়ের চোট দফা শেষ করেছ যে !’

‘লেগেছে নাকি ?’ বলে বুড়ো খানিক চুপ করে বললে, ‘একটু দই দাও, সেরে যাবে ।’

আমি বললুম, ‘এই মাঠের মধ্যে দই ! তামাশা করছ নাকি ?’

‘আচ্ছা তবে খানিক তেঁতুল-বাটা হলেও চলতে পারে ।’

আমার হাসি পেল । নিশ্চয় বুড়োটা ঘুমের ঘোরে স্বপন দেখছে । ‘বলি, ও দাদা ! এখানে তুমি ছাড়া তো গাছ দেখছি নে, আরেকবার লাঠির খোঁচা দিয়ে তোমার গা থেকে দুধ বার করে নিয়ে দই পাতব নাকি ?’ বলেই ভূতপত্নী লাঠিটা যেমন একটু বাগিয়ে ধরেছি, অমনি বুড়ো বলছে, ‘রও রও, করো কী দাদা ! বুড়োমানুষ কখন কী বলি, রাগ কোরো না । আমরা মনসাদেবীর বরে চিরকাল নানারকম স্বপন দেখি । এইখানটিতে কতকাল যে বসে আছি তার ঠিক নেই । ছিপ নিয়ে মাছ ধরছিলাম জলের ধারে —আজ সে কত কালের কথা ; সে নদী শুকিয়ে জল সরে চড়া পড়ে গেছে, কিন্তু এখনো বোঁক কাটেনি ; মনে হচ্ছে নদীর ধারেই বসে মাছ ধরছি ! আমার বেশ মনে পড়ছে এইখানেই একঘর গরুলা থাকত আর ঠিক তাদের ঘরের কোণে একটা মস্ত তেঁতুলগাছ ছিল, এখন তবে সেগুলো গেছে ?’ বলেই বুড়ো ঝিমিয়ে পড়ে দেখে আমি তাকে

জাগিয়ে দিয়ে বললুম, ‘আচ্ছা দাদা, ওই যে ঘোড়া-ভূত আর ঝি ঝি’-
পোকা দেখে এলুম, ওদের কথা ভুমি কিছু জানো কি?’

‘জানি বইকি! ওরা তো সেদিনের ছেলে!’ বলেই বুড়ো গল্প
শুরু করলে :

‘দেখো, এই পৃথিবী তখন সবে তৈরি হয়েছে, আমাদের মতো
ছ-চারটি গাছ ছাড়া পৃথিবীতে আর কেউ নেই; —নদী নেই, পাহাড়
নেই, এমন কি বাতাসে শব্দটি পর্যন্ত নেই; —কেবল বালি ধু-ধু
করছে —ঠিক এই জায়গাটির মতো। আমার তখন সবেমাত্র কচি-
কচি ছুটি কাঁটা বেরিয়েছে —ছোটো ছেলের কচি-কচি ছুটি দাঁতের
মতো। সেই সময় তারা গান বড়ো ভালোবাসে, তারা দেখতে
অনেকটা মানুষের মতো, কিন্তু ফড়িংগুলোর মতো তাদের ডানা
আছে, পাখিগুলোর মতো পা, ঝাঁক বেঁধে তারা আমাদের কাছে
উড়ে এসে বসল আর গান গাইতে আরম্ভ করলে। আকাশ-বাতাস
তাদের গানের সুরে যেন বেজে উঠল। সে যে কী চমৎকার তা
তোমাকে আর কী বলব! আমরা তার আগে শব্দ শুনিনি, গানও
শুনিনি —আনন্দে যেন শিউরে উঠলুম। বালি ঠেলে যত গাছ, যত
ঘাস মাথা তুলে কান পেতে সেই গান শুনতে বেরিয়ে এল, পৃথিবীর
ভিতর থেকে পাহাড়গুলো গা-ঝাড়া দিয়ে উঠে এল, পাহাড়ের ভিতর
থেকে নদীগুলো ছুটে-ছুটে বেরিয়ে এল। গান শুনতে-শুনতে
দেখতে-দেখতে আমরা বড়ো হয়ে উঠলুম। কিন্তু যারা গান গাইতে
এল, কী খেয়ে তারা বাঁচে? পৃথিবীতে তো তখন ফুলও ছিল না,
ফলও ছিল না; ছিল কেবল আমাদের মতো বড়ো-বড়ো গাছ; কাঁটা
আর লতা আর পাতা। নদীতে মাছও ছিল না, আকাশে পাখিও ছিল
না যে তারা ধরে খায়। তবু তারা অনেকদিন বেঁচে ছিল কেবল
গান গেয়ে। একদিন হঠাৎ শুনি যে গান বন্ধ হয়ে গেছে —তারা
সবাই মরে গেছে —শুকনো পাতার মতো তাদের সোনার ডানা
বাতাসে উড়ে এসে আমাদের গায়ে ঝি ঝি লাগল, কিন্তু তাদের
গানের সুর আর শোনা গেল না। তারপর পৃথিবীতে অনেকদিন

আর কোনো সাড়াশব্দ নেই ; কেবল দেখছি, একদল কারা জানি না, দেখতে অনেকটা মানুষ আর ঘোড়ার মতো, এদিকে-ওদিকে চারদিকে ঘুরে বেড়াচ্ছে, তাদেরই খুঁজে-খুঁজে যারা গান গাইতে এসেছিল। ক্রমে দেখি তারাও মরে গেছে। পৃথিবীতে আর তখন কিছু চলে বেড়াচ্ছে না, গান গাইছে না — কেবল গাছের দল আমরা চুপ করে বসে আছি। আমাদের বয়েস ক্রমে বাড়ছে আর আমরা বুড়ো হচ্ছি। তখন জলে মাছ ছ-একটি দেখা দিয়েছে ; আমি কাঁটা আর বঁড়শি ফেলে এক রাস্তিরে মাছ ধরছি এমন সময়—’

বলেই মনসাবুড়ো ঝিমিয়ে পড়ল ! আমি যত বলি, ‘এমন সময় কী হল দাদা ? আবার বুঝি সেই ফড়িংদের মতো মানুষগুলো ঝিঁঝিঁপোকা হয়ে ফিরে এসে গান গাইছে দেখলে ? দেখলে বুঝি সেই মানুষের মতো ঘোড়াগুলো ভূত হয়ে অন্ধকার থেকে মুখ বাড়িয়ে তাদের গান শুনে এল ?’ বুড়োর আর কথা নেই ; কেবল একবার ছঁ বলেই চুপ করলে।

আমি ভাবছি দিই আর-এক ঘা লাঠি বুড়োর মাথায় বসিয়ে, এমন সময় দেখি দূর থেকে একটা আলো আসছে — যেন কে লষ্ঠন-হাতে আমার দিকে চলে আসছে। একবার ভাবছি বুঝি বেহারা কজন আলো নিয়ে আমাকে নিতে এল। একবার ভাবছি, কী জানি মাঠের মাঝে আলোয়া দেখা দেয়, তাও তো হতে পারে। কিন্তু দেখলুম আলোটা এসে পালকির খানিক দূরে থামল ; আর চারটে জোয়ান উড়ে আমার পালকিটা কাঁধে নিলে। উড়েদের একেই একটু ভুতুড়ে চেহারা, কাজেই ঠিক আন্দাজ করতে পারলুম না যে তারা ভূত না মানুষ। একবার তাদের পায়ের দিকে চেয়ে দেখলুম, ভূতের মতো তাদের পায়ের গোড়ালি উলটো কিনা। কিন্তু অন্ধকারে কিছু ঠিক করতে পারা গেল না। মনসাবুড়োকে ডেকে বললুম, ‘দাদা, তবে যাচ্ছি।’

দাদা আমার তখন ঝিমোচ্ছেন ; চমকে উঠে বললেন, ‘যাবে নাকি ? গল্পটা তো শেষ হল না ?’

পালকি তখন চলেছে, মুখ বাড়িয়ে বললুম, ‘দাদা, একরকম গল্পটা শেষই করেছিলে, কেবল তোমার মাথার চুল হলদে আর তোমার রক্ত শাদা কেন, সেইটে বলতে বাকি রয়ে গেল।’

‘মাস্টারমশায়ের কাছে জেনে নিও —’ বলেই দাদা আবার ঝিমিয়ে পড়লেন। হু-হু করে পালকি আবার মাঠের দিকে বেরিয়ে গেল।

একটু ভয়-ভয় করছে; বেহারাগুলো মানুষ না ভূত বুঝতে পাচ্ছিলে। পালকির দরজা বন্ধ করে চুপ করে বসে আছি, হঠাৎ একটা কথা মনে পড়ল— মাল্লু-উড়ে পালকি-কাঁখে ছন্মাহন্মা ডাক ছাড়ে, এরা তো হাঁক দিচ্ছে না। পড়েছি ভূতের হাতেই! পড়েছি, আর কোনো ভুল নেই। আচ্ছা দেখা যাক, ভূতপত্নী লাঠি তো আছে। তেমন-তেমন দেখি তো ছুহাতে লাঠি চালাব।

ভূতপত্নী লাঠির কথা মনে করেছি কি অমনি ধপাস করে পালকিটা তারা মাটিতে ফেলেছে, কোমরটা আবার খচ করে উঠেছে। ‘তবে রে ভূত-উড়ে, আমাকে এই মাঠে একলা নামিয়ে দিয়ে পালাবে ভেবেছ! তোম পালকি, ওঠা সোয়ারী’ — বলেই লাঠি নিয়ে যেমন তেড়ে যাব, কোমরটা আমার বঁকে পড়ল। ভূতগুলো দেখেই খিলখিল করে হেসে অন্ধকারে মাঠে কোথায় মিলিয়ে গেল। মহা বিপদ! এই রাত্তিরে মাঠের মাঝে ভূতের ভয়, বাঘের ভয়, সাপের ভয়, তার ওপর কোমর ভেঙে গেল! লাঠি ধরে যে গুড়িগুড়ি পালাব তারও জো নেই। মনসা-কাঁটায় পা ছিঁড়ে গেছে। ‘দূর কর আর ভাবতে পারিনে, যা হয় হবে!’ বলে পালকির ভেতরে চাদর মুড়ি দিয়ে শুয়ে পড়লুম। খিদেও পেয়েছে, তেষ্টাও পেয়েছে।

একলা থাকতে-থাকতে ক্রমে ঘুম এসেছে। একটু চোখ বুজেছি কি না বুজেছি অমনি খস করে একটা শব্দ হল। চোখ চেয়ে দেখি, বালির ওপরে গোটাকতক তালগাছ উঠেছে, তাদের মাথা যেন আকাশে ঠেকেছে, আর একটা আলো ঘুরে-ঘুরে সেই তালগাছে

ঠেকছে, আবার সড়সড় করে নেমে আসছে! আমি আর না-রাম না-গঙ্গা! কাঠ হয়ে পড়ে আছি কেবল ছুটি চোখ চাদরের একটি কোণ দিয়ে বের করে।

দেখছি আলোটা ক্রমে এ-গাছ সে-গাছ করে ঘুরে বেড়াতে লাগল; তারপর আস্তে-আস্তে মাটিতে নেমে এল। সেই সময় দেখি পূর্ণিমার চাঁদের মতো প্রকাণ্ড একটা কাঁচের গোলা মাঠের ওপর দিয়ে বোঁ-বোঁ করে গড়িয়ে আসছে— যেন একটা মস্ত আলোর ফুটবল! তালগাছের তলায় যে আলোটা টিপ-টিপ করছিল সেটা জোনাকি-পোকার মতো উড়ে গিয়ে সেই গোলাটার ওপর বসল। বসেই গোলাটাকে আমার দিকে গড়িয়ে আনতে লাগল!

গেছি, পালকিসুদ্ধ গোলাটার ভেতরে ঢুকে গেছি। হাঁড়ির ভেতরে মাছের মতো আর পালাবার জো নেই। একেবারে গড়িয়ে চলছি— বনবন করে লাঠিমের মতো ঘুরতে-ঘুরতে। সে কী ঘুরনি! মনে হল, আকাশ ঘুরছে, তারা ঘুরছে, পৃথিবী ঘুরছে, পেটের ভেতর আমার মাসির মোয়াগুলোও যেন ঘুরতে লেগেছে! কখনো মাঠের ওপর দিয়ে, কখনো গাছের মাথা ডিঙিয়ে, গোলাটা শাদা খরগোশের মতো লাফিয়ে, গড়িয়ে, কখনো জোরে, কখনো আস্তে আমাকে নিয়ে ছুটে চলেছে!

ভয়ে দুই হাতে চোখ ঢেকে চলছি। ক্যা-কোঁ চরকা-কাটার শব্দ শুনে চোখ খুলে দেখি এক বড়ি স্তো কাটছে আর একটা খরগোশ তার চরকা ঘুরোচ্ছে। বড়িকে দেখেই চিনেছি, সেই আত্মিকালের বড়িবুড়ি, যে চাঁদের ভেতরে বসে থাকে! আর ওই তার চরকা, ওই খরগোশ! আঃ বাঁচা গেল, এটা তবে গোল্লাভূত নয়! ইনিই আমাদের চাঁদামামা, আর বড়ি তো আমাদের মামি! আর এ খরগোশ তো আমাদের সেই খাঁচার খরগোশটি, বিলিতি ইচ্ছার আর গিনিপিগগুলির বড়োমামা!

‘বলি মামি, এমন করে কি ভয় দেখাতে হয়!’ বলেই আমি খরগোশটাকে খপ করে কোলে তুলে নিয়েছি।

‘ওরে ছাড়, ছাড়! আমার চরকা-কাটা বন্ধ করিস নে, দেখচিস নে এই চরকার জোরেই চাঁদামামার সংসার চলছে!’

সত্যিই দেখি চরকা বন্ধ হতেই চাঁদামামা গড়াত্তে-গড়াত্তে থেমে গিয়ে লাঠিমের মতো মাটির ওপর কাত হয়ে পড়েছেন! আমি খরগোশটি মামির হাতে দিয়ে বললুম, ‘কই মামি, চালাও দেখি মামাকে!’

খরগোশ চরকায় যেমন এক পাক দিয়েছে অমনি চাঁদামামা গা-ঝাড়া দিয়ে ঘুরতে লেগেছেন। বুড়ি ডাকছে, ‘দে পাক, দে পাক!’ খরগোশ ততই পাক দিচ্ছে আর চাঁদামামাও তত ঘুরপাক দিয়ে ডিগবাজি খেয়ে রবারের বলের মতো নাচতে-নাচতে চলেছেন। যত বলি, ‘মামি আর পাক দিও না, মামাকে আমার অত ঘুরিও না, মামা হাঁপিয়ে দম আটকে কোনদিন মারা পড়বেন যে! একটু রয়ে-বসে চালাও, শেষে বুড়ো বয়েসে মামার কি মাথা ঝুকনির রোগ ধরিয়ে দেবে?’ জানি কি যে মামি আমার কালা! আমার একটি কথাও বুড়ির কানে যায়নি। সে কেবল বলছে, ‘দে পাক, দে পাক,!’ আমি যত ইশারা করে বলি, ‘আন্তে, আন্তে!’—বুড়ি ভাবে জোরে চালাতে বলছি, ততই ডাকে, ‘দে পাক, দে পাক!’

মামা রেলের গাড়ির মতো হু-হু করে ছুটে চলেছেন। ‘ওরে থামা, থামা! মাথা ঘুরে গেল, আর যে পারিনে’—বলেই লাঠি তুলেছি খরগোশটাকে মারতে। যেমন লাঠি তোলা অমনি খরগোশটা থাঁক করে ভেড়ে এসেছে, কাঁচ করে চরকাটা বন্ধ হয়ে গেছে আর পটাং করে মামির হাতের সূতো কেটে গেছে। যেমন সূতো কাটা আর ঝপাং করে চাঁদামামা গিয়ে একটা মন্দির জলে পড়েছেন, পড়েই ফেটে চৌচির!

‘কী করলে গো মামি!’ বলেই চমকে দেখি নদীর ওপারে পালকিসুদ্ধ আমি ঠিকরে পড়েছি! কোথায় বুড়ি, কোথায় চরকা, কোথায় বা সে খরগোশ! নদীর জলে দেখি একরাশ কাঁচের টুকরোর মতো চাঁদামামার ভাঙা আলো, খানিক চকচক করেই নিভে

গেল। আকাশের দিকে চেয়ে দেখি সত্যিই চাঁদামামার আধখানা কোথায় উড়ে গেছে।

ভাগ্যি নদীতে তেমন জল ছিল না, নইলে সবাই আজ ডুবেছিলাম আরকি! বড় তেষ্ঠা পেয়েছিল। নদী থেকে এক ঘটি জল খেয়ে ঠাণ্ডা হয়ে তবে বাঁচি!

নদীর ধারেই একটা গাঁ রয়েছে। দেখে সাহস হল; ভাবলুম—আজ রাত্তিরে ওই গাঁয়ে কারু গোয়াল-ঘরে শুয়ে থাকি; কাল সকালে এখান থেকেই ফিরে পালাব, পিসির বাড়ি যাওয়ায় আর কাজ নেই বাবা! এই মনে করে গাঁয়ের ভেতরে গিয়ে দেখি, সেখানে জনমানব নেই। ডাক-হাঁক করে কারো সাড়াও পাইনে! যাই হোক, গাঁ ছেড়ে আর এক পা-ও নড়া নয়। চাদর মুড়ি দিয়ে একটা ঘরের দাওয়ায় শুয়ে পড়লুম। যেমন শোয়া, আর ঘুম—অকাতরে ঘুম।

খানিক পরে জেগে দেখি, সেই মনসাতলার লণ্ঠন-ভূতটা আর তার চার বন্ধু আলো নিয়ে আমার মুখের কাছে বসে আছে। ‘তবে রে!’ বলেই যেমন উঠতে যাব অমনি তারা বলে উঠেছে, ‘দেখো বাবু, ফের যদি লাঠি দেখাও কি মারতে আস, তবে আবার আমরা তোমাকে ফেলে পালাব। আর যদি চুপ করে ভালোমানুষটি হয়ে পালকিতে বসে থাক, তবে ওই-কি-বলে ও-কি-তলা পর্যন্ত তোমাকে আমরা পৌঁছে দেব।’ বুলুম, ভূতগুলো ভয়ে রামনাম মুখে আনতে পারছে না, তাই পিসির বাড়ি যেতে যে রামচণ্ডীতলার কথা শুনেছি তাকে বলছে—কি-বলে-ও-কি তলা।

ভূতগুলো ভয় পেয়েছে দেখে সাহস হল; পালকিতে আবার উঠে বসলুম।

এবারে আর ভয় করছে না—ভোর হবার এখনো দেরি আছে কিন্তু এরই মধ্যে ভূতগুলো যেন একটু ঠাণ্ডা হয়ে এসেছে, মাঠে আর ঘন-ঘন আলেয়া দেখা দিচ্ছে না, পাথের ধারে তালগাছ তো দেখাই দিচ্ছে না, কোথাও মনসাপাংছের ছায়াটি পর্যন্ত আর দেখা

যায় না। পূর্বদিক থেকে ভোরের বাতাস একটু-একটু আসছে;
ভূতগুলো হাওয়া পেয়েই যেন জড়োসড়ো। আমি কিন্তু বেশ
আরামে পালকিতে দরজা খুলে ঘুম দিতে-দিতে চলেছি।

ভোর হয় দেখে ভূত-বেহারা চারটে ভয় পেয়েছে, কিন্তু রামচণ্ডী-
তলায় আমাকে পৌঁছে দিলেই তাদের ছুটি এই ভেবে তাদের একটু
আহ্লাদও হয়েছে। চার ভূত চার সুরে 'চি' 'চি', 'পি' 'পি', খিটখিট,
টিকটিক করে গান গাইতে-গাইতে চলেছে— ঠিক যেন কত দূর
থেকে চিল ডাকছে, আর কোলাব্যাঙ কটকট করছে। ঘুমের
ঘোরে শুনছি যেন 'কুছ কেকা'র ঠিক সেই পালকির গানটা!
কিন্তু কথাগুলো সব উলটোপালটা আর সুরটাও বেখান্না বেয়াড়া—
বেজায় ভুতুড়ে। কেবল হাড় খটখট, দাঁত কিটমিট, গোঙানি আর
কাতরানি শুনে যে গায়ে জ্বর এস! ঘুমিয়ে আছি কিন্তু তবু শুনছি:

চলে চলে

ছমকিতালে

পংখী গালে

মাসিপিসি

বাঘবেরালে।

ভূতপেরেতে

চলেছে রেতে

হনহনিয়ে

ভূতপেরেতে।

পালকি দোলে

উঠতি আলো

নালকি দোলে

নামতি খালে

আলো-আধারে
শেওড়াগাছ
কালোয় শাদায়
বেরাল নাচ ।

মরানদী
বালির ঘাট
মনসাতলায়
মাছের হাট ।

ভূতের জমি
ভূতের জমি
ভূতপেরেতের
নাইকো কমি ।

উড়ছে কতক
ভনভনিয়ে
চলছে কতক
হনহনিয়ে
ইনইনিয়ে ।

চলছে কতক
গাছতলাতে
ছলছে কতক
ভালপাতাতে ।

দিনহুপুরে
বাহুড় ঘুমোয়
রাতহুপুরে
হুতুম ঘুমোয় ।

ভৌদড় ভাম
ব্যাঙ-ব্যাঙাচি
টিকটিকি আর
কানামাচি ।

গজাফড়ি
জোনাকপোকা
আরসোল্লা
ছাংটা খোকা

ছুঁচো ইহর
খ্যাকশেয়াল
গুকনো পাতা
গাছের ডাল ।

সব ভুতুড়ে
সব ভুতুড়ে
ঘুর্নি-হাওয়ায়
চলছে ঘুরে

জগৎ জুড়ে
ঘুরছে ধুলো
বাতাস দিয়ে
হুলছে কুলো !

সব ভুতুড়ে
সব ভুতুড়ে
আলো-আলোয়া
জ্বলছে দূরে

সব ভূতুড়ে

ভূতের খেলা

খেজুরতলায়

ইটের ঢেলা...

গানটা শুনছি একবার— ‘ছুঁচো, ইঁহর, কানামাছি, ভৌদড়, প্যাঁচা, টিকটিকি, খ্যাকশেয়াল ।’ গানটা শুনছি দু-বার— ‘গঙ্গাফড়িং, জোনাকপোকা, আরসোলা, বাছড় !’ গানটা শুনছি তিনবার— ‘আলো-আলোয়া, ঘূর্ণি-হাওয়া, খেজুরগাছ, ইটের ঢেলা ।’ একবার, দু-বার, তিনবার, বারবার তিনবার ইটের ঢেলা পড়েছে কি আর পালকিসুন্ধ আমাকে ভূতগুলো ঝপাং করে মাটিতে ফেলে খেজুর-গাছের তলায় একটা মরা গরু পড়েছিল সেটাকে নিয়ে লুকতে-লুকতে দৌড় মেরেছে । ওদিকে অমনি রামচণ্ডী থেকে রাত তিনটের আরতি বেজেছে— টংটং, টংআ-টং, টংটং-আ-টং ।

এই খেজুরতলা পর্যন্ত ভূত আসতে পারে, তার ওদিকে রামচণ্ডী-তলা, সেখানে রামসীতা বসে আছেন, হনুমান, জাম্ববান পাহারা দিচ্ছে, ভূতের আর সেখানে এগোবার জো নেই । ভূতপত্নীর লাঠিরও জোর সেখানে খাটবে না । কাজেই পৌঁটলা-পুঁটলি, লাঠি-ছাতা সমস্ত পালকিতে রেখে, কোমর ধরে, খোঁড়াতে-খোঁড়াতে বালি ভেঙে রামচণ্ডীতলায় রামসীতা দেখতে তিনটে রাতে অন্ধকার দিয়ে একলা চলেছি । সঙ্গে একটি আলো নেই, হাতে লাঠিটি পর্যন্ত নেবার জো নেই । কী জানি লাঠি দেখে যদি হনুমান মন্দিরে ঢুকতে না দেয় ! তখন যাই কোথা ?

‘রাম-রাম’ বলতে-বলতে বালি ভেঙে চলেছি । বাঙ্গি তো বালি একেবারে বালির পাহাড় ! এক-একবার পিছন ফিরে দেখছি ভূতগুলো আসছে কিনা । যদিও এখানকার বালিতে পা দিলেই তাদের মাথার খুলি ফটাস করে ফেটে যাবে তবুও খেজুরগাছটার ওপর থেকে তারা ভয় দেখাতে ছাড়বে না ; টুপ করে হয়তো একটা

ସମସ୍ତେ ସମ୍ମତି କଲେ ମାଲିଆ ଶାନ୍ତି ମିଳି ଶାନ୍ତି

ଭୁବନେଶ୍ୱର ଚଳେ ଶେଷ, ସମସ୍ତେ ଶାନ୍ତି

ମାଲିଆ ଶାନ୍ତି ଶାନ୍ତି ମାଲିଆ ଶାନ୍ତି

ଆମେ ସମସ୍ତେ ସମ୍ମତି କଲେ ମାଲିଆ ଶାନ୍ତି

ସମସ୍ତେ ସମ୍ମତି କଲେ ମାଲିଆ ଶାନ୍ତି

ସମସ୍ତେ ସମ୍ମତି କଲେ ମାଲିଆ ଶାନ୍ତି

ସମସ୍ତେ ସମ୍ମତି କଲେ ମାଲିଆ ଶାନ୍ତି

ସମସ୍ତେ ସମ୍ମତି କଲେ ମାଲିଆ ଶାନ୍ତି

ସମସ୍ତେ ସମ୍ମତି କଲେ ମାଲିଆ ଶାନ୍ତି

ସମସ୍ତେ ସମ୍ମତି କଲେ ମାଲିଆ ଶାନ୍ତି

ସମସ୍ତେ ସମ୍ମତି କଲେ ମାଲିଆ ଶାନ୍ତି

ସମସ୍ତେ ସମ୍ମତି କଲେ ମାଲିଆ ଶାନ୍ତି

খেজুর-আঁটি এসে গায়ে পড়ল, হয়তো দেখছি খেজুরতলায় যেন একটা কচি ছেলে ওমা-ওমা করে কাঁদছে, শুনে ইচ্ছে হয় দৌড়ে গিয়ে দেখি— বুঝি কাদের ছেলে পথ হারিয়ে কোঁদে বেড়াচ্ছে; হয়তো আমার নাম ধরেই পেছন থেকে কে একবার ডাকলে, গলাটা যেন চেনা-চেনা, ফিরে দেখি কেউ কোথাও নেই! অন্ধকারে হয়তো দেখলুম মাঠের মাঝে একটা জায়গায় খানিকটা জ্বলন্ত বালি তুবড়ি-বাজির মতো ফস করে জ্বলে উঠল, ইচ্ছে হয় গিয়ে দেখি কিন্তু গেলেই বিপদ— একেবারে ভূতে ধরে জরিমানা করে তবে ছাড়বে, নয়তো মট করে ঘাড় মটকে দেবে।

আমি আর এদিক-ওদিক কোনোদিক না দেখে ‘সীতারাম-সীতারাম’ বলতে-বলতে চলেছি। ওই দেখা যাচ্ছে বালির পাহাড়ের ওপরে পঞ্চবটীর বন, বনের মাথায় রামসীতা মন্দিরের চুড়ো। মনে হচ্ছে এই কাছেই, আর একটু গেলেই পৌঁছে যাব, কিন্তু যতই এগিয়ে যাচ্ছি ততই যেন সব দূরে সরে যাচ্ছে— আমার কাছ থেকে দৌড়ে পালাচ্ছে। আমিও দৌড়েছি খোঁড়া পা নিয়ে, দৌড়েছি হাঁপাতে-হাঁপাতে, দৌড়েছি উঠি-তো-পড়ি বালির ওপর দিয়ে।

এইবার শুনতে পাচ্ছি মন্দিরের খোল-করতাল বাজছে; দেখতে পাচ্ছি জাহ্নবানের দল আগুন জ্বালিয়ে গাছতলায় বসে আছে; হনুমানের ল্যাজ বটের খুরির মতো পাতার ফাঁক দিয়ে ঝুলে পড়ছে। আর ভয় কী! বলে যেমন রামচণ্ডীতলায় ছুটে যাব আর নাকটা গেল ঠুকে। একি, নাক ঠুকল কিসে? এই তো সামনে সোজা রাস্তা—গাছের তলা দিয়ে মন্দিরে উঠেছে; তবে নাক ঠোঁকে কিসে?

নাকে হাত দিয়ে দেখি নাকটা বিলিতি-বেগুনের মতো ফুলে উঠেছে। সামনে হাতড়ে দেখি প্রকাণ্ড কাঁচ, তার ভেতর থেকে ফ্রেমে-বাঁধা ছবির মতো রামচণ্ডীর মন্দির, পঞ্চবটী বন, হনুমানের ল্যাজ, সবই দেখা যাচ্ছে; কেবল তার ভেতরে যাওয়া যাচ্ছে না। ফড়িংগুলো যেমন লণ্ঠনের চারদিকে মাথা ঠুকে মরে, আমিও তেমনি

ঘুরে বেড়াচ্ছি চারদিকে কেবল নাক ঠুকে-ঠুকে। নাকটা বেগুনের মতো গোল হয়ে ফুলে উঠেছিল, কাঁচে লেগে-লেগে ক্রমে চ্যাপটা হয়ে গেল, তবু ভেতরে ঢোকবার রাস্তা কিন্তু পেলুম না।

হাঁপিয়ে গেছি, বালির ওপরে বসে পড়েছি, হুমুমানের গোটাকতক ছানা আমাকে দেখে দাঁত বের করে হাসছে। ভারি রাগ হল, রাগে বুক্খিস্কি লোপ পেয়ে গেল। ‘জয় রাম!’ বলে দিয়েছি এক লাফ সেই কাঁচের ওপরে।

লাফ দিয়েই ভাবলুম— গেছি! হাত-পা কেটে, সকল গায়ে কাঁচ ফুটে রক্তারক্তি হল দেখছি! কিন্তু আশ্চর্য! রামনামের গুণে জ্বলের মতো কাঁচ কেটে একেবারে ভেতরে গিয়ে পড়েছি— হুমুমানের জাহ্বানের দলের মাঝখানে। আর অমনি চারদিকে রব উঠেছে— ‘জয় রাম! জয়-জয় রাম, সীতারাম!’ সমুদ্রের ডাক শুনছি— ‘জয়-জয় রাম!’ বাতাসে শব্দ শুনছি— ‘জয় রাম!’ চারদিকে ‘জয় রাম সীতারাম!’

কেউ আমাকে একটি কথাও বললে না, আমার দিকে ফিরেও চাইলে না। আমি রামসীতা দর্শন করে একটা কাঁটাবন পেরিয়ে সমুদ্রের ধারে গিয়ে পড়েছি। সেখানে দেখি, ছটা বেহারা আমার পালকিটি নিয়ে বসে আছে— দেখতে কালো কিচ্‌কিন্দে।

‘কে হে বাপু তোমরা পালকিটি নিয়ে?’

‘বাবুজি, আমরা তোমার গিসির চাকর— কিচ্‌কিন্দে, কান্ধুন্দে, বাবুন্দে, ঝাপুন্দে, মালুন্দে, হারুন্দে।’

‘আচ্ছা বাপু, চলো তো পিসির বাড়ি’— বলেই আমি পালকি চেপে বসেছি।

এবার চলেছি আরামে, কোনো ভয় নেই; পা ছড়িয়ে বসে, পালকির দুই দরজা খুলে, মনের আনন্দে চারদিক দেখতে-দেখতে চলেছি। কেমন তালে-তালে এবার পালকি চলেছে— কালকান্ধুন্দি, ঝালকান্ধুন্দি। ঝাঁকুনি নেই, পালকি চলেছে— আমকান্ধুন্দি, জামকান্ধুন্দি! যেন জ্বলের ওপর তুলতে-তুলতে নেচে চলেছে।

পিসির পালকি চলেছে— ধর কান্দুন্দে, চল বাসুন্দে, বড়া ঝালুন্দে, খোঁড়া মালুন্দে । পালকির এক দরজা ধরে চলেছে হারুন্দে, আর এক দরজা ধরে চলেছে উড়েদের সর্দার— কালো কিচ্কিন্দে ।

হারুন্দের মাথায় কালো চুলের উঁচু ঝুঁটি আর কিচ্কিন্দের মাথায় পাকা চুলের শণের ঝুটি । হারুন্দে ফরসা, কিচ্কিন্দে কালো মিশ— যেন বাংলা কালি ! হারুন্দের চুল যেন বালির ওপরে মনসাগাছ— খাড়া-খাড়া, খোঁচা-খোঁচা, আর কিচ্কিন্দের চুল যেন সমুদ্রের শাদা ঢেউ— হাওয়ায় লটপট করছে । কিচ্কিন্দের মাঠটাও দেখছি খানিক শাদা, খানিক কালো, খানিক আলো, খানিক অন্ধকার— একদিকে ধপধপ করছে শুকনো বালি আর-দিকে টলমল করছে কালো জল— মূনে গোলা । মাঠ দিয়ে চলছি, না, শাদা-কালো মস্ত একখানা সতরঞ্চির ওপর দিয়েই চলেছি !

আমার বাঁদিকে কেবল বালি— শাদা ধপধপ করছে বালি ; আর আমার ডানদিকে রয়েছে কালি-গোলা সমুদ্র—কালো— কাজলের মতো কালো, বাঁয়ে চলেছে হারুন্দে—ডাঙার খবর দিতে-দিতে, ডাইনে চলেছে কিচ্কিন্দে— জলের আদি-অন্ত কইতে-কইতে । আমি চলেছি পালকিতে শুয়ে মনে-মনে ছুজনের ছুটো গল্প শাদা একটা শেলেটের ওপর কালো পেনসিল দিয়ে লিখে নিতে-নিতে । কিচ্কিন্দের গল্পটা জলের কিনা তাই সেটা লিখে নিতে-নিতেই ধুয়ে-মুছে গেছে, একটুও আর পড়া যাচ্ছে না । কিন্তু হারুন্দের গল্পটা বালির ঝাঁচড়ের মতো একেবারে শেলেটে কেটে বসে গেছে— ধুলেও যায় না, মুছলেও যায় না— বেশ পষ্ট-পষ্ট পড়া যাচ্ছে ।

হারুন্দের কথা

‘আমার নাম হারুন্দের নয়—হারুন-অল-রসিদ, বোগদাদের নবাব খাজা খাঁ জাহান্নার শা বাদশা। এখন হয়েছি হারুন্দ।’

বোগদাদের হারুন-অল-রসিদের কথা আরব্য উপন্যাসে পড়েছি, আবু হোসেনের থিয়েটারেও তাকে দেখেছি—কখনো সদাগর সঙ্গে বেড়াচ্ছে, কখনো ফকির, কখনো বা কাফ্রি চাকর। এখন আবার তিনি উড়ে-বেহারা সঙ্গে এলেন দেখছি!

অবাক হয়ে হারুন্দের মুখের দিকে চেয়ে আছি—কখন আবার সে ফকির হয়, কি বাদশা হয়! আমাকে হাঁ করে থাকতে দেখে বলছে, ‘আমার কথায় বিশ্বাস হল না বুঝি? আচ্ছা দেখো!’ বলেই একবার হারুন্দের দাড়িতে গোঁফে মোচড় দিয়েছে। আর অমনি দেখি, সে হারুন্দের আর নেই! ইয়া দাড়ি, ইয়া গোঁফ, মাথায় বকের পালক-গোঁজা পাগড়ি, গায়ে চিনেপোতের জোকা-কাকা, পায়ে টিলে ইজের আর দিল্লির লপেটা পরে হাতে বাঁকা এক তলোয়ার নিয়ে দেখা দিয়েছে—হারুন বাদশা! ফিক করে হেসে আমাকে সে যেমন সেলাম করেছে আর অমনি আমি ফস করে দেশলাই জ্বলে ফেলেছি। বাদশার হাতে গলায় মাথায় হীরে-মানিকের গহনাগুলো এমন ঝকঝক করে উঠেছে যে চোখে ধাঁধা লেগে গেছে। কিচকিন্দে ছিল পাশে; সে অমনি ফুঃ করে আলোটা নিভিয়ে দিয়েছে। আর কোথায় বাদশা?—যে হারুন্দের সেই হারুন্দ!

আলো জ্বলতে হারুন্দের ভারি রেগে গেছে, কিছুতে আর গল্প বলতে চায় না। অনেক হাতে-পায়ে ধরে তাকে ঠাণ্ডা করেছি তবে সে আবার গল্প বলছে, ‘দেখলে তো আমিই ছিলাম বোগদাদের নবাব খাজা খাঁ জাহান্নার শা বাদশা হারুন-অল-রসিদ! আর ওই যে কালো কিচকিন্দে উড়েটা তোমার ওপাশে চলেছে, ও ছিল মসুর—আমার

কাফি চাকর। তুমি কস করে যেমন আলো জ্বলেছিলে ও তেমনি খপ করে তোমার মাথা কেটে ফেলতে পারে যদি আমি হুকুম দিই। দেখবে? মশুর—’

‘না! না!’ বলেই আমি হারুন্দের মুখ চেপে ধরেছি, পাছে হুকুম বেরিয়ে পড়ে। কিচকিন্দে আমার গা টিপে বলছে, ‘শোনো! কেন! ওটা একটা পাগল, আমি কোনোপূরুষে ওর চাকর নই।’

একটা ভারি মজা দেখছি— কিচকিন্দে আমার গা-টি ছুঁয়েছে আর তার মনের কথা পষ্ট-পষ্ট শুনতে পাচ্ছি, কিচকিন্দেকে মুখ দিয়ে একটি কথাও বলতে হচ্ছে না।

কিচকিন্দের কথায় সাহস পেয়ে হারুন্দের মুখ ছেড়ে দিলুম। ছাড়তেই শুনলুম, হারুন্দের মুখের হুকুমটা গোঁ করে তার বুকের ভেতর নেমে গেল; হারুন্দের আর রাগ-টাগ করলে না।

‘দেখলে তো!’ বলেই সে আবার গল্প শুরু করল: ‘একদিন আমি আমার বসরাই-গোলাপবাগ বলে যে বাগান সেখানে বসে গুড়গুড়িতে তামাক খাচ্ছি, আর গোলাপজলের ফোয়ারার ধারে বসে ওই মশুর আমার পোষা বুলবুল বোস্তার সোনার খাঁচাটা ধুয়ে-মেজে সাফ করছে, এমন সময় সিদ্ধবাদ নাবিক সাত সমুদ্রের জলে সাতখানা জাহাজ-ডুবি করে এসে হাজির— ভিজ়ে কাপড়ে ছ-হাতে আমাকে সেলাম ঠুকতে-ঠুকতে। মশুরকে বলেছি আনতে একখানা চৌকি, না, মশুরটা এমন গাধা যে এনেছে একটা টুল। আমি রেগে মশুরের মাথা কাটতে যাব আর অমনি সিদ্ধবাদ আমার দু-পা জড়িয়ে ধরে বলছে, হুজুর মশুরকে মাপ করুন— অনেকদিনের পুরোনো চাকর। শুধুন, এবার কী আশ্চর্য কাণ্ড দেখে এসেছি। এবারে আমি জাহাজ নিয়ে হিন্দুস্থানের দিকে বাণিজ্য করতে গিয়েছিলুম, কাঁচের বাসনের বদলে অনেক হীরে-জহরত হিন্দুস্থানের বোকা লোকগুলোর কাছ থেকে ঠকিয়ে নিয়ে দেশে ফিরে আসছি, এমন সময় জাহাজ আমাদের ঝড়ে পড়ল। এমন ঝড়ও কখনো দেখিনি, সমুদ্রে এমন ঢেউও কখনো পাইনি! পাল, দড়ি, হাল,

দাঁড় ভেঙেচুরে ছিঁড়ে-খুঁড়ে কোথায় উড়ে গেল তার ঠিক নেই !
 সাতদিন সাতরাত আমাদের জাহাজ মোচার খোলার মতো জলে
 ভাসতে-ভাসতে শেষে এসে কালাপানিতে পড়ল ; সেখানে সমুদ্রের
 জল, হুজুর, ওই মশুরের মতো কালো, আর যেন রেগে টগবগ করে
 ফুটছে ! যেমন কালাপানিতে জাহাজ পড়েছে আর মাঝিমাল্লা সবাই
 আল্লা-আল্লা করে কেঁদে উঠেছে । যত বলি— কাদিস কেন ? কী
 হয়েছে বল ?— কেউ আর কথার উত্তরই দেয় না, কেবল ডাঙার
 দিকে একটা কাফেরদের মন্দির দেখায় আর ভেউ-ভেউ করে কাদে ।
 এমন সময় জাহাজের কাণ্ডেন আমার কাছে এসে বললে— কর্তা
 আর জাহেন্ কী ? আল্লার নাম ল্যান ! ওই যে কাফেরদের মন্দির,
 ওর মাথায় একটা জাঁতার মতো চুস্ক-পাথর আছে, তারি টানে
 জাহাজের যত লোহার পেরেক সব একটি-একটি করে খুলে ওই
 মন্দিরের গায়ে ঝেয়ে লাগবে আর জাহাজের কাঠগুলি ভুস করে
 আলাগা হয়ে মাঝিমাল্লা মালমাস্তা সব জলে যাবে ! কতটা সব জলে
 যাবে ! বলতে-বলতে দেখি, জাহাজ থেকে পেরেকগুলো খুলে-খুলে
 বিষ্টির মতো গিয়ে সেই মন্দিরের চুড়োয় চুস্ক পাথরটায় লাগছে ।
 দেখতে-দেখতে আমাদের মুরগি রাঁধবার লোহার হাঁড়ি আর রুটি
 সেকবার তাওয়াখানা গেল উড়ে । আমার হাতে আমার হীরে-
 জহরতের লোহার সিন্দূকের চাবিটা ছিল, সেটাও দেখি পালাই-
 পালাই কচ্ছে । আমি— না আল্লা, না খোদা— চাবিটাকে মুখে
 পুরে আমার লোহার সিন্দুকটা জাপটে ধরেছি । এদিকে ভুস করে
 জাহাজটি ডুবে গেছে । আমি কিন্তু ঠিক ভেসে আছি ; চুস্কের
 টানে লোহার সিন্দুক আমার ঠিক ভাসতে-ভাসতে দ্বিগুণ ডাঙায়
 ঠেকেছে । আমি টপাস করে বালিতে লাফিয়ে পড়েছি আর অমনি
 হুজুর— আমার সেই লোহার সিন্দুক, আমার অনেক টাকার সিন্দুক
 হুজুর, অনেক-কষ্টে-ঠকিয়ে-নেওয়া হীরে-জহরত-ভরা সিন্দুক হুজুর,
 বোঁ করে উড়ে পালিয়েছে— উড়ে-মেড়াদের সেই মন্দিরের
 চুড়োয় !— বলেই সিন্দুকের মাটিতে লুটোপুটি খেয়ে কাদতে লাগল ।

আমি সিন্ধবাদের হাত ধরে উঠিয়ে তাকে ঠাণ্ডা করে টুলে বসিয়ে বললেম, ‘সিন্ধবাদ, শোনো। জানো আমি হাকুন-অল-রসিদ, আমার সামনে মিথ্যা কথা বললে তোমার মাথা কাটা যাবে জানো!’

সিন্ধবাদ বললে, ‘জানি হুজুর, সেইজন্মেই তো আমার দুঃখ! সব সত্যি বলতে হল হুজুর, একটি মিথ্যা কথা দিয়ে এবারকার গল্পটা সাজাতে পারলুম না। ওরে আমার লোহার সিন্দুক!’—বলেই সিন্ধবাদ টুল থেকে ঘুরে পড়েছে। একেবারে অজ্ঞান অচৈতন্য। মশুর অমনি তাড়াতাড়ি তার মুখে জল দিতে এসেছে। আমার ভারি রাগ হল, মশুরকে এক লাথি মেরে বললুম, ‘গাধা! আগে ওর মুখ থেকে সিন্দুকের চাবিটা এইবেলা বার করে নে। জেগে উঠলে কি আর দেবে?’

মশুর অমনি সিন্ধবাদের মুখে আঙুল দিয়ে বলছে, ‘কই কস্তা চাবি তো পাইনে!’

‘পাসনে কি রে, দেখ্ জিবের নিচে!’

‘পাইনে তো কস্তা!’

‘দেখ্, দেখ্, গলায় আটকেছে!’

‘চাবি তো নেই কস্তা!’

‘খেয়ে ফেলেছে রে গাধা, খেয়ে ফেলেছে, পেট চিরে দেখ্ পাজি!’

মশুর অমনি ঝট করে তার পেট চিরে ফেলেছে আর দেখি পেটের ভেতর বজ্জাত সওদাগর তার লোহার সিন্দুকের চাবিটা লুকিয়ে রেখেছে! নিশ্চয় আমার কাছে মিথ্যা কথা বলত—‘যেমন আল্লা বলে কেঁদেছি হুজুর, অমনি চাবিটাও উড়ে পালিয়েছে।’

মশুর চাবিটা গোলাপ জলে ধুয়ে আমার হাতে এনে দিলে। আমি মশুরকে হুকুম করলুম, আমার সেই উড়ো-সতরঞ্চি আর মুড়ো-দূরবীনটা আনতে—যাতে পাখির মতো উড়ে-উড়ে হাওয়া খেয়ে বেড়াই আর সগু-মস্ত-পাতালের জিনিস ঘরে বসে দেখি।

সতরঞ্চি আসতেই আমি ভারি ওপরে তাকিয়া ঠেস দিয়ে দূরবীন

হাতে উঠে বসেছি, মন্সুরও আমার পায়ের কাছে বসেছে—পা টেপবার জন্তে। যেমন হুকুম দেওয়া—চলো কালাপানি! অমনি সতরঞ্চি আকাশ দিয়ে উড়ে চলেছে। তামাক খেতে গিয়ে হাতের কাছে নল পাইনে! মন্সুরটা এমনি গাধা যে গুড়গুড়িটা তুলে নিতে ভুলে গেছে। ভাগ্যি পকেটে কটা সিগারেট ছিল, তাই রক্ষে! মন্সুরও বেঁচে গেল, আমিও তামাক খেয়ে আরাম পেলুম।

বোগদাদ থেকে বেরিয়ে ষণ্টাখানেক এসেছি কি না, এমন সময় মন্সুর বলছে, ‘হজুর, একটা কালো মন্দিরের চূড়ো দেখা যাচ্ছে, ঠিক ওই ডানদিকে!’

তাড়াতাড়ি দূরবীন কষে দেখি সেটা মকার মসজিদ। মন্সুর এত বড়ো মসজিদ কখনো চক্ষেও দেখেনি। সে তো অবাক।

আবার খানিক পরে কাফ্রিস্থানের ওপর দিয়ে আমরা উড়ে চলেছি। তখন মন্সুরের হাসি দেখে কে। সে বলছে, ‘ওই দেখা যাচ্ছে সাহারা, হজুর! ওটা একটা সমুদ্র গুঁকিয়ে গিয়ে চড়া পড়ে গেছে। ওরই ওদিকে দেখুন একটুখানি নোনা জল, তারই ওপারে ফিরিজি মূলুক আর আমাদের ক্রমের বাদশার কস্তনতুনিয়ার কেন্দ্রা দেখা যাচ্ছে। ওই দেখুন হজুর, বালির ওপর দিয়ে সার-বেঁধে উটের কাফিলা চলেছে; ওই খেজুরতলায় ফালহানি জল তুলছে, ওই মিসির শহর আর ওই দেখুন সেকেন্দ্রিয়ার কুতুবখানা, হজুর! ওখানে ছুনিয়ার কেতাব জমা আছে। হজুর ওই যে দেখেন দুটো পক্ষতের মতো, ও দুটো হচ্ছে কাফ্রিস্থানের বাদশার কবর। এত বড়ো কবর আর জগতে নেই। কেবল সোনা-রূপো-হীরে-জহরতে ঠাসা আর তারই মাঝে সব মরা মানুষ শুয়ে আছে—হাজার বরষ ধরে, তবু তাদের দেখে মনে হয় যেন এই মরেছে, নয়তো ঘুমিয়ে আছে। কিমিয়াবিজ্ঞার জেরে এখনো হাজার-হাজার বরষের মরা মানুষগুলো টাটকা রয়েছে হজুর! যদি দেখতে চান তো মেনে চলুন।’

আমি মন্সুরকে ধমকে বললুম, ‘এসব জীবনের কারখানা আমি দেখতে চাইনে। ওদিকে ওটা কী দেখা যাচ্ছে?’

‘হজুর ওটা নীল নদী, ওখানে নীলপদ্ম পাওয়া যায়। হিন্দুদের যমুনা— আর কাফ্রিদের ওই নীল নদী ! হজুর, ওর ওপর একবার নৌকায় করে হাওয়া খেয়ে দেখুন, দিল্ খুশ হয়ে যাবে। ওই নদীর ধারে আমার বাড়ি দেখা যায়, ওই আকের খেতের ধারে হজুর, ওই আমাদের বুড়ো গাধাটি আমার দিকে মুখ তুলে চেয়ে আছে হজুর ! আমি হিন্দুস্থানে হীরে-জহরতের খোঁজে যেতে চাইনে, আমাকে আমার দেশের এই আকের খেতে ছেড়ে দিয়ে যান হজুর।’

আমি দেখলেম বিপদ। মসুরকে ছাড়লে আমার তো একদণ্ড চলবে না। তামাক দেয় কে ? পা টেপে কে ? হিন্দুস্থানে একলাই বা যাই কী করে— সিন্ধবাদের জহরত লুঠ করতে ?

আমি মসুরকে কিছু না বলে সতরকির ওপরে পূব-মুখো হয়ে ঘুরে বসেছি— হিন্দু রাজাদের মতো। এতক্ষণ আমি মোহলমানি কেতা-মতো পশ্চিম-মুখো বসেছিলুম, সতরকিও তাই পশ্চিম-মুখো চলছিল ; পূব-মুখো বসতেই সতরকি পূবে ঘুরেছে আর হু-হু করে নীল-নদী পেরিয়ে একেবারে সিস্তান ঘুরে ইম্পাহানে হাজির। সেখানে বুলবুল-বোস্তাঁর ঝাঁক, হাকেকের গান গাইতে-গাইতে আমাদের সঙ্গে সব উড়ে চলেছে ; মাটি থেকে সিরাজি সরবত আর ইস্তাখুল আতরের খোসবো আসছে। আমারও তেষ্ঠা পেয়েছে— মসুরেরও খিদে লেগেছে ; হুজনে একটা মেওয়ার বাগানের ধারে আকাশ থেকে নেমে এসেছি। মসুরকে ছোটো মোহর ফেলে দিয়েছি—হু-বোতল সিরাজি সরবত আনতে। মসুরটা এমনি গাধা ! দেখি, ষানিক পরে হু-মোহর দিয়ে এক ঝাঁকা বেদানা আর আড়ুর এনে হাজির।

‘সিরাজি কই রে ? কতকগুলো শুকনো বেদানা নিয়ে এলি যে !’

‘হজুর, খোদাবন্দ, জাঁহাপনা ! সিরাজি আর পাওয়া যাবে না। দোকানে যে কটা ছিল, একা মসুর— হুজুরের পেয়ারের গোলাম এই মসুর—তা শেষ করেছে !’

ভারি রাগ হল, ধাঁ করে মশুরের নাকে এক ঘুঁষি বসিয়ে দিলুম মশুরটা সিরাজি খেয়ে একেই টলছিল, ঘুঁষি খেতে চিৎপাত হয়ে পড়ে গেল। মেওয়ার বাঁকাটা রাস্তায় ছড়িয়ে পড়েছে, আর দেখি তার ভেতর একটা সিরাজির বোতল। আমি সেটা কুড়িয়ে মশুরবে বললুম, ‘মশুর, যেমন আমার সঙ্গে চালাকি তেমনি থাকো তুঁতি এইখানে পড়ে, আমি চললুম!’ বলেই যেমন আকাশে উড়তে যাব আর মশুর ধরেছে আমার গুড়গুড়িটা চেপে, আর বলছে, ‘হজুর, আমি মশুর হজুর, কশুর মাপ করুন হজুর, আমি আপনার পুরোনো চাকর হজুর, গুড়গুড়ি হজুর, পায়ের জুতো হজুর, গোলামের গোস্তাখি মাপ হোক হজুর।’

গুড়িগুড়ি যায় দেখে মশুরকে সেবারের মতো সঙ্গে তুলে নিলুম। তখন আকাশের ওপর দিয়ে সতরঞ্চি ছ-ছ করে উড়ে চলেছে। দেখতে-দেখতে কাবুল ছাড়িয়ে কান্দাহারে পৌঁছেছে। মশুর বলছে, ‘হজুর, মেওয়াগুলো ফেলে আসা হল— অমন বেদানা!’

আমি অমনি কান্দাহারের একটা মেওয়ার বাগানে সতরঞ্চি নামিয়েছি; সেখানে মাঝুঘের মাথার মতো এক-একটা বেদানা ফলে আছে। মশুর তো দেখেই অবাক।

‘কেমন মশুর, এমন বেদানা কখনো দেখেচিস?’

‘হজুর, না!’ — বলেই মশুর একটা বেদানা ভেঙেছে আর অমনি চারদিক থেকে কাবুলিওয়ালা মোটা লাঠি-হাতে তেড়ে এসেছে। আমি অমনি মশুরকে টেনে নিয়ে দৌঁ করে আকাশে উঠেছি; মশুর তো রেগেই লাল। বলে, ‘হজুর, কেন পালিয়ে এলেন? কাবুলিদের আচ্ছা করে ঘা-কতক দিয়ে আসতুম!’

আমি মশুরকে সাবধান করে দিয়ে বললুম, ‘মশুর, শবরদার আর এমন কাজ করো না। মশুর, ওরা যদি আজ তোমাকে ধরতে পারত তবে মমিয়াই করে ছেড়ে দিত, জানো। মমিয়াই দেখেছ মশুর?’

‘ই্যা হজুর, হাকিমসাহেবের কাছে যে কালো মলম তাকেই তো বলে মমিয়াই!’

‘হ্যা, ঠিক তোমার মতনই কালো। মমিয়াই হয় কিসে জানো ?
—কালো মানুষের চবিতে।’

‘সে কি ছজুর !’

‘হ্যা, শোনো তবে— কাজীদের ছেলে কিম্বা যে-কোনো কালো ছেলে কিম্বা ছুট্ট যদি সুন্দর ছেলে হয় তাদের ওই কাবুলিওয়ালারা ভুলিয়ে-ভুলিয়ে খুলির ভেতর পুরে এনে একটা মেওয়ার বাগানে ছেড়ে দেয় ! সেখানে মনের আনন্দে ছেলেগুলো বেদানা কিসমিস খোবানি আঙুর খেয়ে বেড়ায় আর মোটা হতে থাকে ; শেষে মোটা হতে-হতে তাদের গা থেকে চবি গড়াতে থাকে, তখন সেই কাবুলিওয়ালাদের হাকিম একটা আগুনের কুণ্ডর ওপর গরম-জল ঢাপিয়ে সেই মোটা ছেলেগুলোর পায়ে দড়ি বেঁধে মুরগির মতো নিচে মুখ ওপরে পা করে খুলিয়ে রাখে ; আগুনের তাতে তাদের সেই চবি গলে টপটপ করে সেই কড়ায় পড়তে থাকে। যতক্ষণ এককোঁটা চবি থাকবে ততক্ষণ কিছুতে তাদের ছেড়ে দেবে না— তাতে তারা মরুক আর বাঁচুক। এমনি করে মমিয়াই তৈরি হয় মসুর। তোমার মতো মিশকালো ওরা কটা পায় ? ধরতে পারলে আজ আর তোমার রক্ষা ছিল না ; নিশ্চয়ই মমিয়াই করে ছেড়ে দিত।’ ভয়ে দেখলুম মসুরের ঠোঁট শাদা হয়ে গেছে, ঘুরে পড়ে আর-কি ! আমি তাকে একটু সিরাজি খাইয়ে ঠাণ্ডা করলুম।

বলতে-বলতে পেশোয়ারে এসে পড়েছি। সেখানে সন্ধে হয়েছে কিন্তু কাবুলিওয়ালার ডিড় দেখে মসুর কিছুতে সেখানে রাত কাটাতে চাইলে না। আমি কত বোঝালুম যে এখানে ইংরেজের রাজ্য— কাবুলিদের কিছু উৎপাত করার জো নেই, কিন্তু মসুর কিছুতে বুঝলে না। কাজেই আরো এগিয়ে উড়ে চলতে হল ; একেবারে দিল্লির কুতুবমিনারে এসে সতরঞ্চি নামালুম। মসুরটা এমনি ভয় পেয়েছে যে দিল্লির চাঁদনিচকে গিয়ে ছোটো দিল্লির লাড্ডু কিনে আনতেও তার সাহস হল না। কী করি, আম্বরী কুতুবমিনারের চূড়ায় সতরঞ্চি বিছিয়ে শুয়ে পড়লুম। চাঁদ না উঠলে অন্ধকারে আর ওড়া যাবে না।

রাত নটার সময় চাঁদ উঠল। অত বড়ো চাঁদ— এমন পরিষ্কার চাঁদ হিন্দুস্থান ছাড়া আর কোথাও দেখা যায় না। এই চাঁদনিতে দিল্লির চাঁদনিচক আলো হয়ে গেছে; রাস্তায় সব লোক বেরিয়ে হাওয়া খাচ্ছে, গান-বাজনা করছে। মসুর দেখি দিল্লির জুম্মা-মসজিদের দিকে হাঁ করে তাকিয়ে আছে।

‘দেখছ কি মসুর?’

‘হজুর, এমন মসজিদ কোথাও দেখিনি।’

‘তবু মসুর, ওর আধখানা রেল-কোম্পানি ভেঙে উড়িয়ে দিয়েছে!’

‘ওটা কী হজুর?’

‘ওটা শাজাহান বাদশার কেল্লা। ওখানে একটা দরবার-ঘর আছে, সে দেখলে চোখ ঠিকরে যেত— এত হীরে-মানিক দিয়ে সেটা সাজানো ছিল। সেইখানে মম্বুর-সিংহাসনে বাদশারা বসে দরবার করতেন।’

‘ছিল বলছেন কেন হজুর? এখন কি সে-সব নেই?’

‘না মসুর, শুনেছি মম্বুর-সিংহাসন নাদির শাহ কেড়ে নিয়ে কাবুলে চলে গেছে, আর দেয়ালে যে-সব হীরে-পাশা ছিল তা মোগল-বাদশারা বাড়ি ছাড়বার পর কাঁচ হয়ে গেছে। আসল কথাটা কী জানো মসুর, ও দেয়ালে কাঁচই লাগানো ছিল কিন্তু মোগল বাদশার ভয়ে লোকে বলত সেগুলো হীরে-মানিক! নইলে অত টাকা গরিব হিন্দুস্থানের বাদশা শাজাহান কী করে পাবে? এ কি বোগদাদেই বাদশা হাক্কন-অল-রসিদ যে ঘরখানা হীরে দিয়ে মুড়ে ফেললে? আমি বেশ জানি মসুর, বড়ো শাজাহান এক তাজমহল আর মম্বুর-সিংহাসন তৈরি করতে সব টাকা, যা-কিছু তার বাপ-দাদা জমিয়ে গিয়েছিল, ফুঁকে দেয়। সেই রাগে তার ছেলে ঐরকমের তাকে কয়েদ করে সিংহাসন কেড়ে নেয়— এ আমার উজির জামায়ের নিজের মুখে শোনা, নিজের কানে শোনা, জানো মসুর—’

মসুর দেখি ভুমিয়ে পড়েছে; আমার কিন্তু ভুম আসছে না,

দিল্লির হাওয়া বড়ো গরম লাগছে। আমি আস্তে-আস্তে কুতুব-মিনারের ওপর থেকে নেমে বাদশাদের একটা তহখানার ভেতরে গিয়ে ঢুকেছি। মাটির নিচে তহখানা, তার চারদিকে জলের ফোয়ারা। এখন আর ফোয়ারার জল উঠছে না, কিন্তু তবু ঘরখানি বেশ ঠাণ্ডা।

খানিক বসে থাকতে-থাকতে শুনছি ঢং-ঢং করে রাত বারোটা বাজল। অমনি দেখি সব ফোয়ারাগুলো খুলে গেছে— আর ফরফর করে গোলাপজলের ছিটে আমার গায়ে পড়ছে। তহখানার মাঝখানে একটা মখমলের বিছানা ছিল, আমি তারি ওপর শুয়ে একটু চোখ বুজেছি আর দেখি বড়ো ঔরঙ্গজেব একটা লাঠি ধরে ঠকঠক করে এসে হাজির! এসেই আমাকে লাঠির খোঁচা দিয়ে বলছে, ‘কৌন্ হ্যায় রে?’ আমিও অমনি তার মুখের ওপর শুনিয়ে দিয়েছি, ‘তুম্ কৌন্ হ্যায় রে?’

‘হাম্ হিন্দুস্তানকি মালিক ঔরঙ্গজেব বাদশা হ্যায়!’

‘মায়ানে তুর্কিস্তানকে পাশা হাকুন-অল-রসিদ নবাব খাজা ঝাঁ খাঁজাহান-ই-জাহান্দার শা বাদশা বোগদাদি হুঁ!’

‘আও লড়েঙ্গে!’

‘আও লাড়ো!’

বলেই আমরা দুজনে তাল ঠুকতে-ঠুকতে পাঞ্জা কষতে-কষতে একেবারে কুতুবমিনারের ওপরে এসে হাজির। সেখানে এসে বড়ো ঔরঙ্গজেবটা আমাকে এমনি জাপটে ধরেছে যে ফেলে আর-কি ঠেলে ওপর থেকে নিচে! এমন সময় মশুর ছুটে এসে ধরেছে তার মাথায় এক কিল। যেমন কিল মারা অমনি তার পাগড়িটা পড়েছে ঠিকরে লাহোরের কেলায়। সেখানে রণজিৎ সিং খাট্টয়া পেতে ছাতে ঝুঁমুছিল; পাগড়িটা পড়বি তো পড় একেবারে তার মুখের ওপরে, আর পাগড়ির কোহিমুর হীরেটা গেছে তার একটা চোখে বিঁধে!

এদিকে ঔরঙ্গজেবটা তার আলি মাথায় হাত বুলুচ্ছে, ওদিকে রণজিৎ সিং একগাল হাসতে-হাসতে কোহিমুর হীরেটার দিকে

একটোথে চেয়ে আছে, আর আমরা সতরঞ্চি চালিয়ে একেবারে
 আগ্রায় এসে হাজির হয়েছি। দেখি ভাজবিবির কবরটার চারদিকে
 বুড়ো শাজাহানটা কেঁদে-কেঁদে ঘুরে বেড়াচ্ছে! সেখান থেকে
 সোজা কতেপুর শিক্রির দিকে সতরঞ্চি চালিয়ে দিলুম। আমার
 ছেলেবেলার বন্ধু আকবর সেখানে পঞ্চমহলের ওপরে বসে চতুরং
 খেলায় মত্ত ছিল। আমাকে দেখে ভারি খুশি। ‘এসো ভাই
 বোগদাদি!’ বলে আমায় পাশে বসালে। তার সঙ্গে এক
 পাঠশালায় পড়া, তাই সে আমাকে বলে বোগদাদি, আমি বলি
 তাকে আগারওয়াল। অনেকদিনের পর দুজনের দেখা। দেখি
 আকবর কেমন বড়িয়ে গেছে। চুল সব শাদা হয়ে গেছে। গৌফ-
 দাড়ি সব ফেলে দিয়ে লোকটা কেমন যেন কাটখোটা-রকমের
 দেখতে হয়ে গেছে। তার আর সে চেহারা নেই।

দুজনে অনেকক্ষণ ছেলেবেলার গল্প করে আমি বললুম, ‘তবে
 এখন আসি ভাই, অনেক দূর যেতে হবে।’

‘আঃ বোসো না। মশুর কিছু খেয়ে নিক। ওর, মশুরকে
 ভালো করে খাইয়ে-দাইয়ে নিয়ে আয়। আর ভাই, বুড়া-বয়েসে
 মনের সুখ নেই। বড়ো ছেলে জাহাঙ্গিরটা হয়েছে বেজায় মাতাল,
 কাজকর্ম কিছুই দেখে না, সেই এলাহাবাদের কেলায় বসে কেবল
 টাকা ওড়াচ্ছে। ভেবেছিলুম নাতি শাজাহানটা একটা মানুষের
 মতো মানুষ হয়ে বংশের নাম রাখবে, কিন্তু ভাই আমার কপালের
 দোষে নাতবো ম’রে ইস্তক জীর শোকে সেও গেল পাগল হয়ে।
 ঔরঙ্গজেবটা এদিকে চালাকচতুর, কিন্তু হিঁহুদের ওপর তার বিশ্বদৃষ্টি।
 হিঁহু প্রজা নিয়েই আমার কারবার, অথচ তাদেরই সে চটোতে চায়।
 এমন কল্লি কি রাজত্ব থাকে দাদা? আমি সেই ষোলো বছর থেকে
 আজ পর্যন্ত যা-কিছু জমিজমা টাকাকড়ি করেছে সব আমার কটা
 নাতি-পুতি মিলে বরবাদ কল্লি দেখছি। কী যে করব ভেবে
 পাইনে। এখন ভালোয়-ভালোয় মনে-মানে মরতে পারলে বাঁচি
 ভাই বোগদাদি।’

আমি বললেম, ‘দেখ জাহাঙ্গির যতই মাতাল হোক, ও তোমার রাজ্য একরকম চালিয়ে নেবে ; শাজাহানও যতই পাগলামি করুক কিন্তু দেখো একদিন তোমার নাম রাখবে ; ছেলেটি বেশ ধীর, শান্ত, বুদ্ধিমান। কিন্তু ওই যে তোমার শাজাহানের ছেলে ঔরঙ্গজেবটি, ওটি ভাই, তোমার গোলাপবাগে কাঁটাগাছ। ও তোমার ভিটের ঘুঘু চরিয়ে ছাড়বে। আমার সঙ্গে পথে আসতে তার দেখা হয়েছিল, একেবারে গোঁয়ার। আমি বেশ করে তাকে শিক্ষা দিয়ে এসেছি।’

‘বেশ করেছ ভাই বোগদাদি ! তুমি শিক্ষা না দিলে আর দেবে কে ! দেখ, তুমি তো এলাহাবাদ হয়ে যাবে, পার তো জাহাঙ্গিরটাকে একটু বুঝিয়ে-বুঝিয়ে মদ খাওয়াটা ছেড়ে যাতে সে এখানে এসে একটু কাজকর্ম ছাখে সেইটে করো ভাই।’

‘আচ্ছা তাই হবে।’ বলে মন্সুরকে নিয়ে আবার সত্তরকি উড়িয়ে চললুম, যমুনার কিনারা দিয়ে। যাবার আগে আগারওয়ালা ছেলেদের জগ্রে একরাশ পাথরের খেলনা সত্তরকিতে তুলে দিলে।

তখন রাত প্রায় দুটো। এলাহাবাদে পৌঁচেছি। ভেবেছিলুম জাহাঙ্গির ওরা সব ঘুমিয়ে পড়েছে, কিন্তু গঙ্গা-যমুনার ওপরে নৌকোর পুলের কাছে এসে দেখি কেলাটা একেবারে আলোয় আলোময় ; এক ক্রোশ থেকে মদের গন্ধ, গানবাজনার আওয়াজ, আর আতুর-গোলাপের খোসবো পাওয়া যাচ্ছে। কেলায় একটা জলসা দেখে আমাকেও একটু সঙ্গেগুঞ্জে ফিটকাট হয়ে নিতে হল। তারপর একেবারে গিয়ে জাহাঙ্গিরের খাস মজলিসে হাজির।

জাহাঙ্গির আমাকে দেখেই খতমত খেয়ে পেল। জড়াতাড়ি আমার হাত ধরে একেবারে মুরজাহানের কাছে নিয়ে বললে, ‘অনেক পথ এসেছেন, এইখানে বিশ্রাম করুন ; আমার বন্ধুবান্ধবদের বিদায় করে আমি এলেম বলে !’—বলেই জাহাঙ্গির সরে পড়ল।

আমি মুরজাহানকে বললেম, ‘দেখ, আমায় এখনি আবার রওনা হতে হবে, জাহাঙ্গিরের সঙ্গে আজ রাতে আর দেখা হবার সম্ভাবনা

নেই, কালও হয় কিনা সন্দেহ। তোমায় একটি কথা বলে যাই—
জাহাঙ্গিরকে একটু সাবধান হয়ে সম্মুখে চলতে বোলো, নইলে তোমার
শুস্তর তাকে তাজাপুস্তুর করবেন বলেছেন। তোমার শুস্তর আমাকে
এই পাথরের খেলনাগুলো দিয়েছেন; এগুলো তুমি নিয়ে খেলা
কোরো, আমি এ-সব নিয়ে কী করব? এখন তবে আসি।’— বলে
আমি আবার সতরঞ্চি চালিয়ে দিলুম।

মশুরটাকে আমি গাধা বলি, কিন্তু সে একেবারে নিবুজ্জি নয়।
এরই মধ্যে সে জাহাঙ্গিরের ভিত্তিখানা থেকে পোয়াটাক খাস অধুরী
তামাক জোগাড় করেছে। মশুরটাকে বাহাছুরি দিতে হবে। কিসে
আমার কষ্ট না হয় সেদিকে তার খুব নজর আছে।

ভোর নাগাদ একটু চোখ বুজেছি কি না অমনি মশুর ‘হুজুর,
দেখুন! দেখুন!’ বলে ঠেলে তুলেছে। দেখছি ডানা উঠলে
পিঁপড়েগুলো যেমন মাটি ছেড়ে ঘুরে-ঘুরে আকাশের দিকে ওঠে,
তেমনি দলে-দলে ঝাঁড় হু-হু করে উত্তর দিকে উড়ে চলেছে, আর
দক্ষিণ দিকে কেবল গাধা টঙ্গস-টঙ্গস করে লাফাতে-লাফাতে
চলেছে।

এ কী আশ্চর্য ব্যাপার! এত গোরু, এত গাধা আসে কোথা
থেকে? দূরবীনটা চোখে লাগিয়ে দেখছি একটা নদী আধখানা
চাঁদের মতো বেঁকে চলেছে তারই দুই পারে দুই শহর; একটা
শহরে কেবল হিন্দুদের মঠ আর মন্দির, পূজারি পাণ্ডা গুণ্ডা
আর সন্ন্যাসীর আড্ডা, আর-একদিকে কেবল যত মোটা-মোটা
লক্ষপতি ফোড়পতি— তাদের বড়ো বড়ো মোটা-মোটা থাম-দেওয়া
বাড়ি আর যত টিকিধারী সভাপতিদের বাসা! এই দুই শহরের
মাঝে দুটো বড়ো-বড়ো চিতা জ্বালানো রয়েছে, আর শহরের যত
লোক দিনরাত কাঠের বোঝা, তেলের কুশো এনে সেই চিতায়
ঢালছে। যেমন এক-একবার আগুন লাউ-লাউ করে জ্বলে উঠছে
আর অমনি লোকগুলো তাতে নিয়ে কাঁপিয়ে পড়ছে আর অমনি
একদল গোরু হয়ে বেরোচ্ছে, আর অল্প দল গাধা হয়ে দৌড় দিচ্ছে।

এমন সময় দেখি ছুপার থেকে দুটো হিংস্রদের বুজরুগ আমাদের হাত
নেড়ে ডাকাডাকি করছে— ‘গোলোকে যাবে গো ? গন্ধর্বলোকে
যাবে গো ?’

জাকরের মুখে শুনেছিলুম এরা নতুন মানুষ পেলেই ভেড়া বানিয়ে
দেয়। আমি আর তাদের দিকে না দেখে বৌ-করে সতরঞ্চি চালিয়ে
দিয়েছি! একেবারে গঙ্গা-পার হাবড়ার পুল কলকেশ্বা হাজির!
মসুরটা তো আজব শহর কলকেশ্বা দেখবার জন্মে ব্যস্ত হয়ে পড়েছে,
কিন্তু আমি মসুরকে বললুম, ‘এখানে বুজরুগি বড়ো কম চলে না—
মানুষ ধরে এরা পাঁঠা করে রাখে, আর সময়মতো সেগুলোকে বলি
দিয়ে বাজারে তাদের মাংস বিক্রি করে, নিজেরাও পাঁঠার কোল
রেঁধে খায়।’ বলতে-বলতে দেখি দলে-দলে ছেলে-বুড়ো যত বাঙালি
—কেউ কানে কলম গুঁজে, কেউ কেতাব বগলে —‘ওই দেখা যায়
বরানগর, সামনে কান্দিপুর, কলকাতা কন্দুর্।’ —বলতে-বলতে ছুটে
এসে এক-একটা বড়ো-বড়ো কেতাবখানা দপ্তরখানায় গিয়ে ঢুকছে
বেশ মনের স্তুতিতে, কিন্তু বেরিয়ে আসছে দেখি এক-একটা বোকা
ছাগল!

‘মসুর, জানো একে বলে কামরূপ কামিখোর ভেকিবাজি। আর
এই শহরে বাঙলার যত বড়ো-বড়ো বুজরুগের আসল আড্ডা। ওই
দেখো গড়ের মাঠে একটা জাহুঘর, আর ওই আলিপুরে একটা
চিড়িয়াখানা, আর ওই পূবদিকে দিঘির ধারে একটা গোলামখানা।
আলিপুরে মানুষ-পাঁঠা জিয়োনো থাকে, ওই গোলামখানায় তাদের
পোষ মানায়, আর মরবার পরে ওই জাহুঘরে তাদের হাড়গুলো আর
হালগুলো জমা রাখে। এখানে পা দিয়েছ কি বোকা বনেছ!’—
বলেই আমি একদণ্ড আর সেখানে না থেকে একেবারে কালাপানির
দিকে সতরঞ্চি চালিয়ে দিলুম।

আকাশের ওপর দিয়ে পাখির মতো শোঁ-শোঁ উড়ে চলেছি দেখি
বাঙলাদেশের বুজরুগ তাদের লুক্করানগুলো উঠিয়ে আমাদের দিকে
কটমট করে তাকিয়ে আছে।

‘কাজটা ভালো হল না, মশুর! সবাই আমাদের দেখে ফেললে, এতক্ষণে কালাপানিতে টেলিগ্রাম গেছে যে আমরা ওই মুখেই চলেছি। সেখানে গেলেই পুলিশ লাগবে পিছনে, তখন সিদ্ধবাদি হীরেটাই দখল করা শক্ত হবে। মশুর এসো, এইখানেই নেমে পড়া যাক। এইখান থেকে বেশ বদলে, রেল করে উড়েদের সেই মন্দির পর্যন্ত যাওয়াই ভালো।’

বলে আমরা রূপনারায়ণ নদীর ধারে নেমে তল্লিতল্লা বেঁধে হেঁটে গিয়ে রেল চড়লুম। আমি হলুম হীরানন্দ বাবাজি আর মশুর হল কিচ্‌কিন্লা— আমার উড়ে চেলা। গাড়িতে দেখি কেবল মাড়োয়ারি, মাদ্রাজি আর বাঙালি। বাবাজি দেখে তারা আমাকে আদর করে বসালে, কত কথা পুছতে লাগল। জবাব দিতে পারিনে; কাজেই আমি সাজলুম বোবা আর মশুর হল কালা। আর কোনো গোল রইল না।

ছ-মাস পুরীতে আছি, রাজ মন্দিরের চারদিকে ঘুরে বেড়াই, কিন্তু চুড়োর ওপর কোথায় যে সিদ্ধবাদের সিন্দুকটা গিয়ে আটকে আছে তার সন্ধান পাইনে। শেষে একদিন একটা ফন্দি মাথায় এল। ‘মশুরকে বললুম, ‘দেখ্ মশুর, প্রায়ই দেখি এক-একটা লোক ওই মন্দিরের চুড়োয় নিশেন বাঁধতে ওঠে, তুই ওদের দলে ভিড়ে যদি একদিন মন্দিরের চুড়োয় গিয়ে বেশ করে সিন্দুকটা কোথায় আছে দেখতে পারিস তবে তোকে একখানা হীরে বকশিশ দেব।’

মশুর প্রথমে কিছুতেই রাজি হয় না, বলে, ‘পড়ে মরব কত!।’ কিন্তু শেষে দেখি একদিন গেছে! বেশ করে চুড়াটা দেখে মশুর এসে বলছে, ‘কত!। সিন্দুক এখানে নেই। ওই চুড়োর ওপর থেকে বিশ-ক্রোশ তফাতে আর-একটা মন্দির দেখা যায়, সেইখানে আমি পষ্ট দেখলুম সিন্দুকটা যেন পাথরের গায়ে ঝুলে। কিন্তু অনেক দূরে কত!। এইখান থেকে বালির ওপর দিয়ে ঠিক সোজা একেবারে পূব-মুখা যেতে হবে কত!।’

মশুরের কথাই ঠিক। আজ ছ-মাস দেখছি এই কালাপানি দিয়ে কত জাহাজ এল, গেল; কিন্তু একটি পেরেকও দেখলুম না যে

এই মন্দিরে এসে লাগল। সেইদিনই রাস্তিরে সতরঞ্চি উড়িয়ে একেবারে মন্দিরের সেই মন্দিরে হাজির। গিয়ে দেখি মন্দিরের সব আছে কেবল চুড়োটি নেই।

‘যাঃ! সর্বনাশ হয়েছে মন্দির! সিন্দুক সরিয়ে ফেলেছে মন্দির! এত কষ্ট করে আসা সব বুথা হল মন্দির!’ বলেই আমি অজ্ঞান।

‘কস্তাগো, কী হল!’ বলেই মন্দিরও অচৈতন্য।

যখন আবার চোখ খুলেছি দেখি একটা ছোটো ঘরে কে আমাদের বন্ধ করে গেছে— একটা পিদিম আর এক ঘড়া জল দিয়ে। দেখি পিদিমের কাছে একটা বাস্ক রয়েছে। বাস্কটা লোহার, আর তার ওপরে পেতল দিয়ে লেখা রয়েছে— ‘সিদ্ধবাদ’। তাড়াতাড়া বাস্কটা টেনে নিয়ে খুলতে যাব, দেখি পকেটে চাবিটা ছিল সেটা কে চুরি করেছে!

‘মন্দির, চাবি নিলে কে? নিশ্চয় তোর কাজ!’

‘না কস্তা, চাবি তো আমি নিইনি।’

‘মিথ্যাবাদী, পাঞ্জি!’— বলেই সেই লোহার বাস্কটা ছুঁড়ে মেরেছি। যেমন মারা আর অমনি মন্দির—‘বাপরে!’ বলে ঘুরে পড়া; আর বাস্কটা খটাং করে খুলে একটা এক-বেগলা মানুষ বেরিয়ে এসে আমার স্মৃথে দাঁড়াল।

এ কী, সিদ্ধবাদ যে! হাতে তার সেই চাবিকাঠিটি। সিদ্ধবাদ সামনে এসেই বলছে, ‘কী হারুন-অল-রসিদ! —হীরানন্দ বাবাজি! সিদ্ধবাদের হীরে পেলে কি? চাবিটা তো তার পেট থেকে খুঁজে বার করলে! এখন হীরেগুলোও বার করো।’

‘আমার সঙ্গে তামাশা!’— বলেই যেমন সিদ্ধবাদকে ধরতে গেছি আর সে একেবারে চম্পট! যেন নিভে গেল!

আমার বড়ো ভয় হল; এত বুজবুজি কাট্টিয়ে এসে শেষে কি উড়ে বুজবুজের পাল্লায় পড়লুম!

‘মন্দির! কথা কোসনে যে মো-মু-উ-র?’

মাথার ওপরে চামচিকে কঁচকঁচ করে বলছে, ‘মন্দির কি আর আছে সঁে কালো কঁচকঁচনে মন্দির ভূঁত হয়ে গেছে, এই ঐক্যকারে

জোঁমাকেও ভূত হয়ে থাকতে হবে। হিঁ:-হিঁ:-হিঁ:-।’— বলেই চিকচিক করে আমার চারদিকে অন্ধকারে উড়ে বেড়াতে লাগল।

মস্তুরটা হঠাৎ মরে গিয়ে আমায় ভারি বিপদে ফেলে গেল। তার মতন এমন নেমকহারাম চাকর আমি দেখিনি।

রাগে হুঃখে আমি গৌঁ হয়ে বসে আছি; চামচিকেটা ঘুরতে-ঘুরতে যেমন আমার হাতের কাছে এসেছে আর অমনি আমি খপ করে তাকে ধরে ফেলেছি। ধরেই দেখি সেটা সেই এক-বেগ্‌দা সিদ্ধবাদ!

‘তবে রে পাঞ্জি! এখন তোকে কে রাখে! বল্ কোথায় হীরেগুলো রেখেছিস? নইলে তোকে ওই সিদ্ধকে বন্ধ করে কালাপানির জলে ফেলে দেব!’ বলেই আমি তার হাত থেকে বাস্তের চাবিটা কেড়ে নিলুম।

তখন সিদ্ধবাদ আর কী করেন? চুপি-চুপি আমাকে যেখানে তার হীরে-জহরতগুলো পোঁতা আছে সেই জায়গাটার নাম বলে দিল।

‘জায়গাটা কোথায় জানো?’

‘চামচিকেটা যদি আমায় আগে সেটা বলত তবে আমাকে এত কষ্ট পেতে হত না। জায়গাটা হচ্ছে ওই— সে কি-বলে-কি— সেই যেখানে জগন্নাথের যত যাত্রী ঘুরপাক দেয়!’

‘অক্ষয় বট?’

‘আরে না বাবু, গাছটাছ সেখানে কোথা!’

‘তবে দোলমঞ্চ হবে।’

‘সেখানে তো ছলতে হয়। ঘুরতে হয় কোথায়?’

‘তবে “চানবেদী”!’

‘হ্যাঁ-হ্যাঁ, ওরই কাছাকাছি, ঠিক মনে হচ্ছে না এখন, খানিক বাদে মনে হবে।’— বলেই হারুলে চুরুট ফুঁকতে লাগল।

খানিক পরে জিজ্ঞাসা করি, ‘হারুলে, নামটা মনে পড়ল কি? আমার যে ভারি শুনতে হচ্ছে হচ্ছে কোথায় হীরেগুলো লুকোনো আছে।’

কথা নেই !

‘বলি ও হারুন্দে, মনে পড়ল কি ?’

‘একটু-একটু পড়ছে।’

‘বলে ফেলো।’

‘রোসো বলছি—“ল” না-না, “র” আর “ন”; “র” হল না তো। “র” আর “ন”র মাঝে কী হয় বাবু ?’

‘কী হয় হারুন্দে ?’

‘মনে পড়ছে না। মনুর, “র” আর “ন”র মাঝে কী হয় ? ওহো তুই কেমন করে জানবি ? তোকে তো আমি সেই লোহার বাল্লতে পুরে জ্বলে ভাসিয়ে দিলুম। “র” আর “ন” তার মাঝে হল—’

‘তোমার মাথা আর মুণ্ড ! শোনো কেন বাবু, ও পাগলের কথা। ও চিরকালই হারুন্দে, কোনো কালে হারুন-অল-রসিদ নয়। ওর বাপ ওকে লেখাপড়া শেখাতে কলকাতায় পাঠিয়েছিল। সেখানে পৃথিবীর ইতিহাস, পারশ্ব উপশ্বাস আর ডিটেক্টিভ গল্প পড়ে-পড়ে ওর মাথা খারাপ হয়ে গেছে। কখনো এক টুকরো ইতিহাস, কখনো উপশ্বাস, ছ ছত্তর বা কবিতা, দুটো বা সত্যি কথা, দশটা বা মিছে কথা। কখনো হাততালি দিচ্ছে, কখনো গালাগালি। মাথাটা যেন বাংলা খবরের কাগজ—মূল্য দুই পয়সা মাত্র ! আমি কিচ্‌কিন্দে এই কিচ্‌কিন্দায় থেকে বুড়ো হয়ে গেলুম, সিদ্ধবাদকে তো কখনো এ ভল্লাটে দেখিনি। একটা কথা বললেই হল—সিদ্ধবাদ এল, চুষকে তার সিন্দুক টেনে নিলে ! জ্বাছক টেনে নেয় এত বড়ো চুষক-পাথর—সে পাথর গেল কোথায় ?’

হারুন্দের কথা নেই।

‘দেখলে বাবু, গল্পের খেই ধরতে জানে না, গল্প বলতে আসে। ও তো সেদিনের ছেলে। গল্পের ও জানে কী ? বোণগাদ-কোণগাদ তো সেদিনের কথা ; সত্য, হেতা, জ্বাপর, কলি—এই চার যুগের গল্প আমি জানি। গল্প শুনতে চায় তো শোনো—’

কিচ্কিন্দের গল্প

সত্যযুগের মানুষ যজ্ঞভূমুরের গাছের সমান লম্বা ছিল, ত্রেতাযুগে লম্বা গাছ, ষাপরে ভাণ্ডীর, আর কলিতে লম্বাবতী। এরপর মানুষ ক্রমে এত ছোটো হয়ে যাবে যে শেষে আঁকশি দিয়ে তবে তাদের বিলিতি-বেগুনের গাছ থেকে বেগুন পাড়তে হবে।

সেই ত্রেতাযুগে রামচন্দ্র অবতীর্ণ হলেন— রাক্ষস-বংশ ধ্বংস করতে অর্থাৎ যেখানে বাসবন ছিল সেখানে লঙ্কাচারা আর বোহাই-আম বসাতে; যাতে মানুষ বোশেখ-জোষ্টি মাসে আমকান্ডুনি, ঝালকান্ডুনি খেয়ে বাঁচতে পারে। বিশ্বাস না হয়, কান্ডুনে আর ঝালুন্দেকে প্রায় করো।

এখন রামচন্দ্র জন্মালেন, কিন্তু লঙ্কার ধোঁয়া দিয়ে রাক্ষস তাড়ানো তো তাঁর কস্ম নয়। এক-লাফে সমুদ্রই পার হয় কে? কাজেই হনুমান এই কিঙ্কিঙ্কায়—ওই যে মনসাতলার ঘাটে কাঁটাবন ওইখানে— জন্ম নিলেন। এদিকে হনুমানও জন্মেছেন আর ওদিকে রথ চড়ে সূর্য্যমামা দেখা দিয়েছেন। মামার মুখটি যেন পাকা আমের মতো। দেখেই হনুমানের লোভ হয়েছে, এক লাফে মামার কোলে ঝাঁপিয়ে উঠেছেন। মামা—‘হু! হু!’— বলে আদর করে যেমন ভায়েকে চুমু খেতে গেছেন আর হু দিয়েছেন মামার গালে এক কামড়!—‘ওরে গেলুম, গেলুম! ছাড়, ছাড়!’—আর ছাড়!

এমন সময় ইন্দ্রহাস্য যাচ্ছিলেন আকাশ দিয়ে। মামা-ভায়েক ঝগড়া দেখে তিনি ছেড়ে দিয়েছেন বজ্র। যেমন বজ্র পড়া আর হু ‘রাম! রাম!’ করতে-করতে ঠিকরে গিয়ে পড়েছেন ওই রামচণ্ডীতলায়; আর সূর্য্যমামা রথস্থল পড়েছেন ওই চন্দ্রভাগার কাছে কালিদয়ে বালির পাঁকে। মামার রথের চুড়োটা মচাৎ করে

ভেঙে পড়ল, ঘোড়া কটা কন্দকাটা হয়ে বালির পাঁকে আটকা পড়ে গেল— মায় সহিস কোচম্যান লোকলঙ্কর দাসী চাকর! যে যেখানে ছিল সবাই আড়ষ্ট যেন পাথর।

সুঘিয়ামা কালিদয়ে দইকাদা মেখে গড়াতে-গড়াতে ডাঙায় গিয়ে উঠলেন। ইন্দ্রহ্যম তাড়াতাড়ি ঐরাবত-হাতি নিয়ে মামাকে তুলতে যেমন এসেছেন অমনি গেল ঐরাবতও দয়ে পড়ে। কী করেন? তখন হুম্মানকে ডাকাডাকি। হুম্মান এসে ছু-বগলে দুজনকে নিয়ে তবে স্বগ্গে পৌঁছে দেন। সেইদিন থেকে সুঘিয়ামা আর রথে চড়ে বেড়াতে গেলেন না, পায়ে হেঁটেই আনাগোনা করেন। সিন্ধুঘোটকটা ভাগিয়া ছিল, তাই চড়ে ইন্দ্রহ্যম হাওয়া খেয়ে বেড়ান।

একদিন ইন্দ্রহ্যম ঘোড়ায় চড়ে এই সমুদ্রের ধারে হাওয়া খেয়ে বেড়াচ্ছেন, এমন সময় সিন্ধুঘোটকের একটা পা গেছে বালিতে বসে। আর ঘোড়া নড়ে না। ইন্দ্রহ্যম ঘোড়ার পা ধরে টানানানি করতে ঘোড়ার পা-টা গেল ছিঁড়ে। তিনি আর কী করেন, সেই খোঁড়া ঘোড়ায় স্থাংচাতে-স্থাংচাতে ছিষ্টিকস্তা ব্রহ্মার কাছে গিয়ে হাজির। গিয়েই ব্রহ্মাকে বলছেন, ‘আমার আর-একটা ঐরাবত-হাতি আর উচু ঘোড়া না হলে চলছে না। দেবতাদের রাজা হয়ে শেষে কি পায়ে হেঁটে বেড়াব? আমার মান থাকে কেমন করে?’

ব্রহ্মা বললেন, ‘আমি বারে-বারে তোমাদের জন্তে ছিষ্টিক করে পারিনে, যাও নারদের ঢেঁকিটা চেয়ে নিয়ে চড়ে বেড়াও। হাতিঘোড়া পেয়ে যে যত করে রাখতে পারে না তার ঢেঁকি চড়ে বেড়ানোই ঠিক।’

ছিষ্টিকস্তার কাছে তাড়া খেয়ে ইন্দ্রহ্যম নারদের কাছে হাজির। নারদ বুদ্ধি দিলেন: ‘দেখ ইন্দ্রহ্যম, তুমি হলে রাজা, ঢেঁকি চড়া তোমার শোভা পাবে না, লোকে হাততালি দেবে, তাঁর চেয়ে যাও তপস্যা করোগে, ছিষ্টিকস্তা খুশি হয়ে তোমাকে ছুটো কেন দশটা হাতিঘোড়া ছিষ্টিক করে দেবেন।’

ইন্দ্রহ্যম রাজার ছেলে, তপস্যার নাম শুনেই ভয়ে তাঁর মুখ শুকিয়ে

গেল। তখন নারদ বুদ্ধি দিলেন, ‘যাও ইন্দ্রহ্যম্! রামচন্দ্রের কাছ থেকে রাবণের পুষ্পক-রথটা চেয়ে নাও।’

ইন্দ্রহ্যম্ এসে রামচন্দ্রকে ধরে বসলেন। রাম বললেন, ‘রাবণের রথ কেড়ে নেওয়া তো সহজ নয়, তোমরা যদি আমার সঙ্গে যাও তো হতে পারে। কিন্তু রাবণ যদি চিনতে পারে যে তোমরা দেবতা, তা হলে তোমার বিপদ।’

ইন্দ্রহ্যম্ বললেন, ‘আজ্ঞে, আমরা বীদর সেজে রাবণের সঙ্গে লড়ব।’

রামচন্দ্র বললেন, ‘তথাস্তু।’

তারপর রাম-রাবণের যুদ্ধ। হনুমান হলেন যত বীদরমুখে দেবতাদের সেনাপতি; আর আমি কিচ্‌কিলে হনুম—কিচ্‌কিলের দলে যত উড়ে, তাদের সেনাপতি। এই দুই দল নর-বানর—এদেরই কিস্তি কিস্তিবাসি রামায়ণে লেখা আছে। সে তো তুমিও জানো?

তারপর বলি শোনো—রাবণের কাছ থেকে পুষ্পক-রথ তো কেড়ে নিয়ে রামচন্দ্র অযোধ্যায় এসেছেন, ইন্দ্রহ্যম্ রথটি নিয়ে যান আর-কি, এমন সময় সূর্য্যমামা এসে বলছেন, ‘বাপু রাম, ইন্দ্র বজ্র ফেলে আমার রথটি গুঁড়ো করেচেন, এখন পুষ্পক-রথটি উনি নিলে আমি ছ-বেলা আপিস করি কেমন করে! উনি রাজার ছেলে ঘরে বসে থাকলে চলে, কিন্তু সকাল-সন্ধ্যে আমাকে যে এই সারা পৃথিবী ঘুরে আলো দিয়ে বেড়াতে হয়, আপিস-গাড়ি নইলে আমার চলবে কেন?’

হনুমান ছিলেন বসে রামের কাছে, তিনি অমনি বলচেন, ‘ইন্দ্র আমাকেও বজ্রের মেরে দফারফা করেছিল আর-কি! কেবল রামনামের জোরে বেঁচে আছি!’

‘কী, রামদাসকে মারা! ইন্দ্রহ্যম্, যাও রথ তোমায় দেব না!’ বলেই রাম সূর্য্যমামাকে রথটা দিয়ে দিলেন।

ইন্দ্র মুখ-চুন-করে ফিরে যান দেখে রামচন্দ্রের দয়া হল, তিনি হনুমানকে ডেকে বললেন, ‘হনুম্, তুমি ইন্দ্রহ্যম্‌কে নিয়ে সমুদ্রের ধারে

যাও, সেখানে ইন্ডের সিন্ধুঘোটকের ছেঁড়া পা-খানি উদ্ধার করে গন্ধমাদন থেকে বিশল্যকরগীর পাতার আঠা দিয়ে ইন্দ্রহ্যায়ের খোঁড়া ঘোড়া জোড়া দিয়ে দাওগে।’

তখন হুম্মানকে নিয়ে সমুদ্রের ধারে ইন্দ্রহ্যায় হাজির। সেখানে তখনো সিন্ধুঘোটকের ছেঁড়া পা-খানা বালির ওপরে লটপট করছিল— হুম্মান সেই পা ধরে দিয়েছেন এক টান, আর অমনি বালির নিচ থেকে হড়হড় করে একটা মন্দির বেরিয়ে এল।

হুম্মান তো ঘোড়ার পা-খানা ইন্দ্রহ্যায়ের কাছে রেখে বিশল্যকরগীর পাতা আনতে যান, এদিকে ইন্দ্রহ্যায় মাসির বাড়ি থেকে জগন্নাথ, বলরাম, শুব্রাকাকে এনে সেই মন্দিরে পূজো লাগিয়ে দিয়েছেন। হুম্মান এসে দেখেন মন্দির দখল। তখন হুম্ম রেগেই লাল! বলে, ‘আমি বিশল্যকরগীর পাতা দেব না। আমার মন্দির, আমি রামচন্দ্রকে এখানে বসাব মনে ছিল। তুমি কেন জগন্নাথকে বসালে?’

বড়ো গোলযোগ দেখে ইন্দ্রহ্যায় ব্রহ্মাকে আনতে ছুটলেন। ব্রহ্মা এসে বললেন, ‘হুম্মান, যিনি জগন্নাথ, তিনি রঘুনাথ। তুমি গোল কোরো না আমি সব ব্যবস্থা করছি।’

সেই দিন থেকে প্রতি বছর রামনবমীর দিন জগন্নাথের রঘুনাথ-বেশ করে পূজোর ব্যবস্থা হল।

ইন্দ্রহ্যায় বললেন, ‘ছিষ্টিকস্তা, আমার ঠাকুরের কী বেশ হবে তার ব্যবস্থা করুন।’

ব্রহ্মা ব্যবস্থা করলেন—‘পাবন্ধি-বেশ।’

ইন্দ্রহ্যায় তো ঘোড়ায় চড়ে স্বর্গে যান আর হুম্মান রাধেপের মধুবন থেকে যে আমের আঠাটি সীতাদেবীর হাত থেকে পেয়েছিলেন, সেটিকে একটা বাগানে বসিয়ে দিলেন। দেখতে-দেখতে সেই বাগান এক আমবন হয়ে উঠল আর হুম্মান সেই বনের ভেতরে দলবল নিয়ে মধুরেণ সমাপয়েৎ করে আরামে রইলেন।

এই তো গেল ত্রৈতাযুগে—মাধুষ যখন লঙ্কাগাছের মতো, তখনকার কথা। এখন সত্যযুগের কথা বলতে বল তো বলি— কিন্তু

সেটা ভয়ানক সত্যি, গল্পের মজা তাতে নেই, যেন বাঙলার ইতিহাস
পড়ার মতো সব ঠিক-ঠিক একেবারে ঠিক ।

বলেই কিচ্‌কিন্দে সত্যিযুগের কথা আরম্ভ করেছে—

‘সত্যে ব্রহ্মক্ক কর যাত-অ-অ,
সত্য স্ব-রূ-প তু অনন্ত ।
সত্যে তোহার আত্ম যাত-অ-অ
আন্তে জ-নি-লু তোর সত্য,
তোর সঞ্চিলা সেয়ল-অ-অ-অ
অম্বর মারি সাধু পাল-অ-অ-অঃ
জগত তোর দেহ্‌ যাত-অ-অ,
ধিতি পালন কর্‌ অন্ত ।
তোহ মায়াতে মূক-খ জন-অ-অ,
আত্মাকু দেখন্তি সে ভিন্ন ।
পণ্ডিতে জ্ঞানন্তি সে-এক-অ-অ,
মায়াতে দিশই অনেক
তু এ সংসারে দুঃখ সুখে-এ-এ
শরীর বহু নানা রূপে
সাধুকু দিশই নি-র-ম-ল-অ-অ
খল-লোচনে যম কাল-অ-অ-অঃ ।’

‘ও কিচ্‌কিন্দে, থাক্‌ ! তোমার কথার মাধ্যমুহু কিছুই ব্রহ্মম
না । আর-কোনো কথা থাকে তো বলো ।’

‘সত্যিযুগের সব কথাগুলোই ওই রকম দাড়িওয়ালা মুনি-
গোসাইনুলোর মতো গোম্‌সা-মুখে । আচ্ছা শোনো । ঋগ্‌ব্রহ্মে
রাখাল-ছেলে ভাণ্ডীরগাছের তলায় দাঁড়িয়ে বাঁশি বাজাচ্ছে আর
গোক-বাছুর তার চারদিকে নেচে-নেচে গান গাইছে :

‘কি সুন্দর মুরলী পা-নী রে মজনী ।
তাছু কে দিব অস্তা আ-নি-রে-এ সজনী ।

দিনে যমুনাকু মূ য়েবে গলি গাধোই
 বাটরে দেখিলি মূ প্রাণ মাধো-ই রে সজনী ।
 বাক-বাক করি মো তে দেলে অনাই
 তরকী-তরকী মূ অইলি প-লা-ই রে সজনী ।
 ধাঁই-ধাঁই সে যে মো ধইল লাঙ্গলে-এ
 মূ ভেই পড়িলি যাই যমুনা জলে-এ রে সজনী ।’

বলেই কিচ্কিন্দে ফুঁ-ফুঁ করে একটা বাঁশি বাজাতে আরম্ভ
 করে দিলে ।

‘বলি ও কিচ্কিন্দে, গানের চেয়ে তোমার বাঁশিটি কিন্তু মিষ্টি ।’

যেমন এই কথা বলা অমনি কিচ্কিন্দে বাঁশি রেখে বলে উঠেছে :
 ‘Thank you Baboo, I earnestly hope and trust that the
 noble example of this most enlightened and public
 spirited Kumar Krishna Kich Kinda of Orissa will be
 followed by all Maharajas, Rajas, Jamindars and other
 wealthy people—not only in India but throughout the
 length and breadth of Bengal, Behar & Orissa—for the
 amelioration of self and friends and all the poor
 gentlemen at large like হারুন্দে, কাম্বন্দে, বাম্বন্দে, ঝালুন্দে
 অ্যাও মালুন্দে ।’

‘ও কী বলচ কিচ্কিন্দে ?’

‘কলির কথা ।— ধন্যবাদ তোমাকে বাবু, আমি ব্যগ্রভাবে শুকসা
 ও প্রত্যয় করিতেছি যে ওই কুলীন উদাহরণ এই আপেক্ষসম্পন্ন
 সাধারণ ভূতবান উড়িষ্যার কুমার কৃষ্ণ কিচ্কিন্দার হইবে অনুগমিত
 সকল রাজা মহারাজা জমিদার ও যোত্রসম্পন্ন বাক্তিগণের দ্বারাই
 নিজের বন্ধুর এবং হারুন্দে ইত্যাদির মতো বেচারা গরিব এবং ছাড়া-
 পাওয়া ভদ্রগণের অপেক্ষাকৃত ভালো করিবার নিমিত্তে ।’

‘এ কথার তো কিছু মানে-মাথা নেই কিচ্কিন্দে ।’

‘আচ্ছা শোনো দেখি, এটার কিছু মানে পাও কিনা— বঙ্গ-বিদর্ভনগর লৌবর্ষ সমিতি। এটা আরো শক্ত? আচ্ছা দেখি দেখি এটা সহজ কিনা— পূর্ণপরব্রহ্মজ্যোতিস্বরূপ গুরু মাতা পিতা আত্মাতে পূর্ণরূপে নিষ্ঠাবিহীন জীব বাহিরে ভিন্ন-ভিন্ন নামরূপ দেখিয়া বহিমুখী মনোবৃত্তির দ্বারা বাসনায় আবদ্ধ হইয়া সত্য হইতে বিমূখ হয় ও মিথ্যায় আসক্তি করতঃ কলির ব্রাহ্মণ নামে আখ্যাত হইয়া থাকে—’

‘এটা তো একেবারে সমস্কৃত, একটুও বোঝবার জো নেই।’

‘তবেই তো বাবু, কলিকালের কথার নমুনা দেখেই ভড়কে গেলেন। গল্পটা আগাগোড়া শোনা তোমার কন্ম নয়। ভাতীরবনে রাখাল-ছেলের বাঁশির গানটুকুই তোমার অদেহে লেখা ছিল।’

বলেই আবার কিচ্‌কিন্দে বাঁশি বাজাতে লাগল :

যু ভেঁই পড়িলি যাই যমুনা জলে-এ রে সজনী।

বাঁশি স্তনভে-স্তনভে ঘুমিয়ে পড়েছি। ইতিমধ্যে কখন যে পালকি সূদ্ধ কিচ্‌কিন্দে আমাকে সমুদ্রের জলে নামিয়ে নিয়ে গেছে তা জানিনি। ঝপাং করে যেমন এক ঢেউ এসে পালকিতে লেগেছে আর ঘুম ভেঙে গেছে।

‘ও কিচ্‌কিন্দে, কোথায় নিয়ে চললে? পিসির বাড়িতে চলো না— এদিকে কেন?’

‘বাবু, পিসির বাড়ি কি এখানে? সাত সমুদ্র পেরিয়ে যেতে হবে।’

‘জাহাজ কই কিচ্‌কিন্দে? পার হব কেমন করে?’

‘জাহাজ কী করবে বাবু? জন্ম-জন্ম ধরে জাহাজ চালিয়ে গেলেও পিসির বাড়িতে যেতে পারবে না। জলের ওপর দিয়ে পিসির বাড়ি যাবার রাস্তা নেই, যেতে হবে জলের নিচে দিয়ে— ডুব-সাঁতার মেরে, সাত ঘাটের জল খেতে-খেতে। পিসির বাড়ি যাওয়া কি সহজ বাবু!’

‘তাই তো কিচ্‌কিন্দে, ডুব-সাঁতার তো আমি জানিনি, কেমন করে তবে পিসির বাড়ি যাই।’

‘পিসি তো তাই আমাদের পাঠিয়েছেন। ভয় কী? গট্ হয়ে পালকিতে বসে থাকো, এইখান থেকে এক ডুব মারব আর ঠেলে তুলব পালকি একেবারে পিসির বাড়ি। কিন্তু তুখো বাবু, রাস্তার মধ্যে অনেক আশ্চর্য্য দেখতে পাবে, দেখো যেন ভয় খেয়ো না। প্রথমে আসবেন কালা-কানা-আংলা-টানা, তারপর আছেন গামলা-চালা ফোঁপরা-জালা, তার পরে ঘণ্টাকর্ণ রক্তশোষা মাধায়-ছাতা, তার পরে শাঁখচূর্ণি মুক্তোকলাই, তারপর আছেন গুঁড়-তুল-তুল কাঁচুমাচু কল-কজা দাড়া-বাঁধা, আর রাঘববোয়াল পায়রা-চাঁদা।’

‘কিচ্‌কিন্দে, এরা যদি আমায় ধরে?’

‘কিছু ভয় নেই। আমরা আছি। ভয় পেলে আমায় ডেকো। বলেই—‘হে রে রে দাদা রে’ বলে পালকি-সুতু আমাকে নিয়ে তারা ডুব মেরেছে জলের ভেতর।

প্রথমটা অন্ধকারে কিছুই দেখতে পাইনে। খানিক পরে দেখি ফুঁকো শিশির মতো ভোটো-ছোটো আলো জলের ভেতর তুধারে সারি-সারি ঝুলছে। এক-একবার জলের তোড়ে আলোগুলো ছড়ছড় করে গড়িয়ে ডাঙার দিকে যাচ্ছে আবার গড়গড় করে গড়িয়ে যেখানে ছিল সেখানে ফিরে আসছে। এমন সময় দেখি, এক কড়া তেল জলের ওপর যেমন ভাসতে-ভাসতে চলে তেমনি কী-একটা আমাদের দিকে পিছলে-পিছলে আসছে! অমনি কিচ্‌কিন্দে ডেকেছে, ‘সামাল! সামাল! বাঁয়ে ধর ভাই!’

সী করে আমরা বাঁ-দিকে একটা ডোবার ভিতর নেমে গেছি। সেখান থেকে দেখি— তেলটা ভাসতে-ভাসতে আমাদের ঠিক মাথার ওপরে এসে চারদিকে চারটে লম্বা-লম্বা আঙুল বার করে জল খুঁটতে লাগল। তারপর আবার আস্তে-আস্তে আঙুল-কটা গুটিয়ে নিয়ে একদিকে ভেসে চলে গেল।

কিচ্‌কিন্দে বললে, ‘দেখলে বাবু, উনিই হচ্ছেন কালা-কানা-আংলা-টানা। ঠঁর না আছে মাখা মুখ, না আছে কান, না আছে চোখ; থাকবার মধ্যে আছে কেবল এক আঙুল আর একরাশ

ভেল-চুকচুকে পেট। আঙুলটি গিয়ে কারো গায়ে ঠেকেছে কি আর
অমনি সমস্ত পেটটি ভেলের মতো গড়িয়ে গিয়ে তার ওপর পড়েছে
—যেমন পড়া আর অমনি হজম করে ফেলা! জানোয়ার যদি ওঁর
চেয়ে তিন-চার ডবল বড়ো হয় তবে ওই পেটটিও সঙ্গে-সঙ্গে বেড়ে
ভেলের মতো ছড়িয়ে গিয়ে জানোয়ারটিকে বেশ করে ঘিরে নেয়।’

‘ছুরি দিয়ে পেটটা চিরে দেওয়া যায় না কিচ্‌কিন্দে?’

‘হবার জো নেই। ওঁকে দু-টুকরো কর, দশ-টুকরো কর,
একশো-হাজার-টুকরো কর, দেখবে সব টুকরোগুলো একটা-একটা
নতুন কালা-কানা-আংলা-টানা হয়ে আঙুল বার করে ভেসে
বেড়াচ্ছে। সমুদ্রের ভেতর এঁর মতো জ্বরদস্ত আর কেউ নেই
বাবু। চলো, এই আংলা-টানার হাতে পড়লে আর রক্ষে নেই।’
—বলেই আমরা চুপি-চুপি পালিয়ে চলেছি। এমন সময় দেখি
একরাশ চিনেমাটির মার্বেল জলের ভেতর দিয়ে গড়িয়ে চলেছে।
কাছে আসতে দেখি—সেগুলি এক-একটি গোল খাঁচা আর ভেতরে
একটি করে খুদে আংলা বসে আছে।

‘ও কিচ্‌কিন্দে, আমাকে চাটখানি ওই মার্বেল ধরে দাও না।’

‘দেখ-না একবার ধরে।’ —বলেই খপ করে দুটো মার্বেল ধরেই
কিচ্‌কিন্দে আমার হু-হাতে দিয়েছে। যেমন মুঠো করে ধরা আর
ওঁয়োপোকার কাঁটার মতো হাতময় ছুঁচ বিঁধে গেছে।

মার্বেল দুটো ফেলে দিয়ে হু-হাত চুলকোতে-চুলকোতে চলেছি,
এমন সময় কিচ্‌কিন্দে বলছে, ‘গামলা-চালা কোঁপরা-জালার দেশে
এলুম বাবু!’

চেয়ে দেখি চারদিকে কেবল গামলা আর জাল। কোনোটা
বড়ো, কোনোটা ছোটো, কোনোটা লম্বা, কোনোটা বেঁটে, কেউ
ধানের মরাইটার মতো, কেউ ঢাকাই জালাটার মতো, কেউ চুমকি
ঘটিটির মতো। কোনো গামলা ফুলের টবের মতো পাড়িয়ে আছে,
কোনোটা বা গোরুর জাব দেবার ফুটো গামলাটার মতো উণ্টোনে
রয়েছে।

‘এ-সব গামলা আর কুপো কেন কিচ্‌কিন্দে?’

‘জানো না? এখানে তোমার পিসির ঘি-তেল মজুদ থাকে। দেখ না’— বলেই ছোটো একটি ঘিয়ের মটকি কিচ্‌কিন্দে আমার হাতে তুলে দিয়েছে।

‘ও কিচ্‌কিন্দে, এ ভাঁড়টার মুখ কোন্‌ দিকে? ঘি বার করি কেমন করে?’

‘দাও, দেখিয়ে দিই।’ বলে মটকিটা আমার হাত থেকে নিয়ে কিচ্‌কিন্দে হুহাতে নিংড়োতেই দেখি গল্‌-গল্‌ করে এক সের ঘি বেরিয়ে পড়ল!

‘এ তো বেশ মজা!’ বলেই আমি পালকি থেকে নেমে সেই জ্বালা আর গামলাগুলো টিপতে লাগলুম আর অমনি পিচকিরি দিয়ে কোয়ারার মতো কোনোটা থেকে তেল কোনোটা থেকে ঘি বেরোতে লাগল। দেখতে দেখতে চারদিক তেল আর ঘিয়ে ভেসে গেল! তখন কিচ্‌কিন্দে বলছে ‘বাবু, আর খেলা নয়। এত তেল-ঘি ঢেলে ফেলেছ দেখলে পিসি রাগ করবেন। চলো, চুপি-চুপি পালাই।’

পালকি করে আবার চলেছি। কিন্তু মনে ভয় হচ্ছে— পিসির এত তেল-ঘি ঢেলে নষ্ট করলুম, পিসি যদি টের পান তো রন্ধে রাখবেন না।

‘ও কিচ্‌কিন্দে, পিসিকে বোলো না যেন যে অত তেল-ঘি নষ্ট করেছি!’

‘একটুও নষ্ট হবে না বাবু, পিসির তোমার ভেমন জ্বালা, ভেমন গামলা নয়! কুপোগুলো সব তেল-ঘি আবার শুষ্ক নিয়ে যেমন ছিল ভেমনি ফুলে উঠছে! চলো এখন পিসির বাড়ির তেতলায় আমরা নেমে যাই। সেখানে ঘণ্টাকণ্‌ রক্তশোষা স্বাধায় ছাতা দিয়ে ঘুরে বেড়াচ্ছন!’ বলেই কিচ্‌কিন্দে পালকি নিয়ে ধাপে-ধাপে সমুদ্রের নিচে নেমে চলল। সেখানটা এমন অন্ধকার যে কিছু দেখা যায় না।

‘ও কিচ্‌কিন্দে, তেতলায় তো সিঁড়ি দিয়ে উঠে যেতে হয়, এ যে তুমি আমাকে নিয়ে নেমে চললে।’

‘ঠিক যাচ্ছি বাবু! জলের ওপরে যে তেতলা বাড়ি তাতে উঠতে হলে সিঁড়ি বেয়ে ওপরে যেতে হয়, আর জলের নিচে যে বাড়ি তার তেতলায় যেতে হলে নিচেবাগে নেমে যেতে হবে। জলের ভেতরে যে বাড়ি কি বাগানের গাছ দেখ, সেগুলোর মাথা ওপরে থাকে, না নিচেতে থাকে?’

‘নিচেবাগে।’

‘জলের ওপরে যে বাড়ি থাকে তার মাথা কোন্‌ দিকে থাকে?’

‘ওপর দিকে।’

‘তবে? জলের ওপরে তোমার মাসির বাড়িতে যা করতে নিচে পিসির বাড়িতে এসে ঠিক তার উন্টোটা না করলে মুশকিলে পড়বে, এইটে মনে রেখো।’ বলেই কিচ্‌কিন্দে ক্রমে আরো নিচে নেমে চলল।

‘ও কিচ্‌কিন্দে, চোখে যে কিছুই দেখতে পাইনে, বড়ো অন্ধকার!’

‘আলো বেশ আছে, কেবল তুমি চোখটি খুলে রেখেছ বলে কিছুই দেখতে পাচ্ছ না। চোখ বন্ধ করো, সব পষ্ট দেখতে পাবে।’

কিচ্‌কিন্দের কথায় চোখ বন্ধ করেছি। সবাই চোখ-চেয়ে দেখে, আমি দেখছি চোখ বুজে— নীল জল! এত নীল যেন নীল কালি! তারই মাঝে গোনা যায় না— এত ঘণ্টা ছলছে! ঘণ্টার গায়ে ছোটো-ছোটো গোল-গোল কত যে চোখ জলছে তার ঠিক নেই—কোনোটা লাল, কোনোটা হলদে! গোলাপি সবুজ শাদা বেসুনি—কত রঙেরই চোখ! ঘণ্টাগুলোর হৃদিক দিয়ে ছোটো করে লম্বা ঝুঁড়ের মতো কান ঝুলছে! যেমন এক-একবার সেই কানগুলোতে ঢেউ লাগছে আর অমনি সব ঘণ্টাগুলো ছেলে-ছলে টুং-টাং ক্রিং-ক্রাং টুং-টাং করে বাজছে— ঠিক যেন গোসাঁই এসে কানের কাছে মস্তুর দিচ্ছে!

পালকির কাছ দিয়ে যখন এক-একবার ঘটাকর্ণ এক-একটা হেলতে-তুলতে চলে যাচ্ছে তখন ইচ্ছে হচ্ছে— দিই একবার দুই কান ধরে টেনে। কিন্তু তখনি আবার মনে পড়ে যাচ্ছে এখন সব উণ্টো কাজ করতে হবে; যখন ইচ্ছে হবে চোখ বুজে ঘুমোই তখন থাকতে হবে চোখ চেয়ে; যখন ইচ্ছে হবে শুই তখন হবে দাঁড়াতে; যখন কান মলতে হাত এগিয়ে যাচ্ছে তখন হাতকে জোর করে পিছিয়ে আনতে হবে। কাজেই আমি ভালো-মানুষটি হয়ে চূপ করে হাত-পা-গুটিয়ে চোখ বুজে বসে রয়েছি। এমন সময় দেখি আমাদের মেজ পুঁটির মতো একটি মাঝারি গোছের পুঁটিমাছ ঝাঁ করে গিয়ে ঘটাকর্ণের কানে দিয়েছে ঠোকর। যেমন কান ছোঁয়া আর কান অমনি জড়িয়ে ধরেছেন হাতির শুঁড়ের মতো পুঁটিমাছটিকে! যেমন ধরা আর অমনি ঘটার ভেতর পোরা! কাঁচের হাঁড়িতে পোষা মাছ যেমন ঘুরে-ঘুরে বেড়ায়, তেমনি দেখছি ঘটার ভেতর পুঁটিমাছটি ঘুরে বেড়াচ্ছে— পালাবার পথ নেই! আমি মাছটার কী হয় দেখবার জন্মে চেয়ে আছি।

‘আর দেখছ কি বাবু! হজম হয়ে গেল বলে। যাও-না, ঘটার কানটা ধরে টেনে দেখো-না মজাটা।’

‘কিচ্কিন্দে, তুমি কেমন করে জানলে যে কান মলবার জন্মে আমার হাত নিশপিশ করছিল, আমি তো তোমাকে কিছু বলিনি।’

‘বল নি বলেই জানতে পারলুম। বললে কিছু শুনেও পেতুম না, জানতেও পারতুম না। এখানে সব উণ্টো নিয়ম তা জে তোমাকে বলেই দিয়েছি।’

এই কথা হচ্ছে এমন সময় দেখি পাঁচ দিক থেকে পাঁচটা শুঁড় নাড়তে-নাড়তে আমার দিকে এগিয়ে আসছে— রক্তশোষা। তার সবটাই অগুনতি ঠোট আর গাল আর ঝিল্লি— লাল টকটকে, শাদা কঁয়াকঁয়াকে। এক ফ্রোশ থেকে তার ঠোট নাড়ার শব্দ শোনা যাচ্ছে— পট্-পট্-পট্, চক্-চক্-চক্।

কিচ্কিন্দে ডাকছে, ‘ডাইনে ধর ডাই, ডাইনে!’

বলতে-বলতে দেখি পালকি ডাইনে ঘুরেছে, আর দেখি রক্তশোষা
বাঁদিকে সরে গেছে।

‘বাঁয়ে ধর ডাই, বাঁয়ে ধর !’

পালকি যেমন বাঁদিকে ঘুরেছে আর দেখি রক্তশোষা ডাইনে
চলে গেছে। এমনি ডাইনে বাঁয়ে করতে-করতে আমরা রক্তশোষার
ঠোট এড়িয়ে ছাতা-মাথার ঘরে এসে পড়েছি। সেখানে দেখি
কেবল ছাতা আর তার নিচে এক-একটা মুণ্ড— গুটিনুতোর মতো।
সোঁটা-সোঁটা চুল আর মূলের পাতার মতো গোছা-গোছা দাড়ি।
দূর থেকে মনে হচ্ছে যেন বিটপালং, গাজর, গুলকপি আর বিলিতি-
মূলের ঝাঁক সব উন্টে পড়ে ভেসে যাচ্ছে।

‘ও কিচকিন্দে ! এরা কারা ?’

‘এরা মালী। তোমার পিসির সবজি-বাগানে কাজ করছে।’

‘এত তরকারি কি পিসি একাই খান ?’

‘তিনি ছাড়া আর কে খাবে ? এ তরকারি কারো ছোঁবার জো
আছে ! ছুঁলেই হাত চুলকে অস্থির হবে। যতক্ষণ না পিসি এগুলিকে
নিজের হাতে রেঁধে-বেড়ে দেবেন ততক্ষণ কারো মুখে দেবার জো
নেই। মুখে দিয়েছে কি আর গাল ফুলে গোবিন্দর মা হয়েছে !’

‘গালফুলো গোবিন্দর মা কে কিচকিন্দে ?’

‘তিনি আগে গোবিন্দর মা ছিলেন, পিসির এই সবজি খেতে
গুলকপি তুলতে এসে একটি বিলিতি মূলো চুরি করে খেয়েছিলেন,
সেই থেকে তাঁর গাল ফুলে গেছে। গোবিন্দ আর তাঁর মায়ের মুখ
দেখেন না।’

‘আচ্ছা কিচকিন্দে, ওই যে টোকা মাথায় দিয়ে ঝালীরা সব
এই সবজি-খেতে কাজ করছে ওদের গা কই চুলকায় না কেন ?’

‘ওদের গা থাকলে তো ! চুলকে-চুলকে সব ক্ষয়ে গেছে।
এদিকে দেখো বাবু, তোমার পিসির ধানের খেত। এখানে কেবল
মুকো-কলাই, দশবছরে একবার ফলে, আর তোমার পিসি সেই
কলাইয়ের ডাল দিয়ে পাশ্চাত্য দশবছর অন্তর একদিন খান।’

‘পান্তাভাত কী কিচ্কিন্দে ?’

‘ভিজ়ে ভাত বাবু। তোমায় তো বলেছি এখানে সব উষ্টো, ডাঙার ওপর মাসির বাড়িতে খাও তোমরা শুকনো ভাত আর জলের নিচে পিসির বাড়িতে সবাই খায় ভিজ়ে ভাত। তোমাদের কলাইয়ের ডালপাতলা— যেন জল, আর এখানকার কলাইয়ের ডাল যেন মুক্তোর মতো ঝরঝরে।’

এই কথা হচ্ছে এমন সময় শুনি খেতের ভেতর থেকে ভৌ-ভৌ করে শাঁখ বেজে উঠল।

‘এত শাঁখ বাজে কেন কিচ্কিন্দে ?’

‘শাঁখচূর্ণিরা সব শাঁখ বাজিয়ে কলাই-খেত থেকে পাখি তাড়াচ্ছে বাবু।’

দেখি, শাঁখচূর্ণিরা সব শাঁখ বাজিয়ে খেতময় ঘুরে-ঘুরে বেড়াচ্ছে। তাদের আর কিছু নেই— কেবল ছুপাটি করে দাঁত আর একটা মস্ত কান, তাতে একটি ফুটো। জাঁতিকলের মতো ছুপাটি দাঁত তারা খুলছে আর বন্ধ করছে, আর তাদের সেই কানের ফুটোগুলো দিয়ে ভৌ-ভৌ করে শাঁখের শব্দ বার হচ্ছে। কতদূর থেকে যে সে শব্দ শোনা যাচ্ছে তার ঠিক নেই!

গুঁড়-হুল-হুল কাঁচুমাচুর দেশ পেরিয়ে চলেছি, তখনো শুনছি সেই শাঁখের আওয়াজ! যেমন এক-একবার শাঁখের শব্দ আসছে আর অমনি দেখছি গুঁড়-হুল-হুলের যত গুঁড় সব ভয়ে কঁঁচো হয়ে ল্যাজ শুটিয়ে মুখ কাঁচুমাচু করে গর্তে লুকোচ্ছে।

‘ও কিচ্কিন্দে, পিসি এত কঁঁচো নিয়ে করেন কি ?’

‘তিনি ওই কঁঁচোর টোপ দিয়ে ছিপ ফেলে কাঁকড়া ধরেন।’

‘একটা ছিপ পাই তো গোটাকতক কাঁকড়া ধরি।’

অমনি দেখি মস্ত-মস্ত কাঁকড়া দাড়া নেড়ে-মেড়ে বলছে, ‘ধরো-না দেখি! আঙুলটি কাটব নাকি?— কট-কট-কট!’

‘যাঃ-যাঃ দূর হ!’

যত বলি ‘দূর হ’ ততই দেখি কাঁকড়াগুলো এগিয়ে আসে।

‘ও কিচ্‌কিন্দে এরা এগিয়ে আসে যে!’

‘আসতে বলছ তো আসবে না! যাঃ-যাঃ বললে এগিয়ে আসবে না তো কি পিছিয়ে যাবে? এখানে সব উন্টো, মনে নেই? বলা—আয়-আয়!’

যেমন ‘আয়-আয়’ করে ডাকি আর অমনি সব কাঁকড়া দেখি পালিয়েছে। আমি যত ডাকি ‘আয়’ তত তারা দূরে পালায়। আবার যেমন একবার বলেছি ‘যাঃ-যাঃ’ অমনি সব কাঁকড়া কটকট করে আমার দিকে ছুটে এসেছে!

‘আচ্ছা কিচ্‌কিন্দে, পিসি অত কষ্ট করে কেঁচোর টোপ ফেলে কাঁকড়া ধরেন কেন? জলের ধারে বসে যাঃ-যাঃ বললেই তো তারা আপনি পিসির হাতে উঠে আসত?’

‘আহা, পিসির তোমার মায়ার শরীর, কাউকে কি তিনি যাঃ বলতে পারেন! পিসির মুখে যাঃ কথাটি কখনো শুনিনি। যদি বললুম—পিসি বাড়ি যাই, অমনি পিসি বলবেন—আয় বাছা! কোনোদিন বলবেন না—যা বাছা! তোমাদের মুখে যেমন যাঃ-যাঃ দূর-দূর লেগেই আছে, পিসি তো আর তেমন নয়, পিসি সবাইকে বলেন—এসো বাছা, বসো বাছা! সাধে কি আমরা পিসির চাকর হয়ে আছি? ওই দেখ তোমার পিসির ছিপে একটা কলকজা-দাড়া-বাঁধা ধরা পড়েছে। ওই আর একটা! উঃ, তোমার জ্ঞে পিসি খুব কাঁকড়া আর গলদা চিংড়ি ধরছেন দেখছি, কাল খাওয়া খুব হবে বাবু!’

দেখি পিসির ছিপে দুটো প্রকাণ্ড কাঁকড়া আর গলদা-চিংড়ি ধরা পড়েছে। কাঁকড়ার এক-একটা দাড়া আমার হাতের মতো লম্বা; আর চিংড়ি দুটো যেন এক-একটা তেলের সোপাই—চাল বাঁড়া নিয়ে তিড়ি-তিড়ি লাফাচ্ছে। আমাদের চোখ, মুখের সঙ্গে চ্যান্টানো, এদের চোখগুলো যেন দূরবীনের জোয়ার মতো মুখ থেকে ঠেলে বেরিয়েছে আর কটমট করে ঝাঁকিয়ে আছে! দেখলে ভয়ে গা শিউরে ওঠে। কাঁকড়া আর গলদা-চিংড়ি দেখে, পিসির বাঁধা কচি

কুমড়ো দিয়ে কাকডার ঝোল, লাউ-চিংড়ি আর গুড়-অখল
খেতে নোলা সৰসক করে উঠল।

‘ও কিচকিন্দে, পিসির বাড়ি আর কতদূর?’

‘এই তো এসেছিঃ বাবু তোমার পিসির খিড়কি-পুকুরে। ওই
দেখ কত রাঘব-বোয়াল আর পায়রা-চাঁদা মাছ পুকুরে ঠাসা
রয়েছে।’

বাপরে! এমন সব মাছ তো কখনো দেখিনি! যেন এক-একটা
জাহাজ ভেসে বেড়াচ্ছে। কারো ভাঁটার মতো চোখ, কারো গাময়
চাকা-চাকা আঁশ, কারো মাথায় শিং, কারো গালে গৌফ, কারো
খোঁতা মুখ, কারু মুখ বা ছুঁচলো, কেউ লম্বা কাঠি, কেউ গোল
একটি বেলুনের মতো! লাল নীল সবুজ কত রঙের কত রকমের
যে মাছ পিসির পুকুরে ছাড়া রয়েছে— তা আর কী বলব! গল্প
শুনতে শুনতে যেমন ঘুম পায় তেমনি পিসির বাড়ির সাতঘাটের
কাণ্ডকারখানা দেখতে-দেখতে আমার ঘুম পেয়ে এল।

‘ও কিচকিন্দে, বড়ো ঘুম আসছে, আর যে চোখ বুজে থাকতে
পাচ্ছিনে।’

‘বেশ তো বাবু, ঘুমোও চোখ খুলে, আর তো দেখবার কিছু নেই,
রাত পোহালেই এই পুকুরের ওপারে তোমার পিসির বাড়ি পৌঁছে
দেব।’

আমি অকাতরে ঘুম দিচ্ছি এমন সময় শুনছি পিসি ডাকছেন,
‘অবু, ও অবু, ওঠ রাত হয়েছে, আর কত ঘুমোবি? সূঁষি যে
অনেকক্ষণ নেমেছেন।’

কিচকিন্দে বলছে, ‘পিসিমা, দাদাবাবু সারাদিন পালকিতে
ঘুমোননি, একটু ঘুমোতে দাও, এই তো সব সূঁষি নেমেছেন, এখনো
তো রাত বেশি হয়নি।’

কিচকিন্দে গলা পেয়েই আমার ঘুম ভেঙে গেছে। ভাড়াভাড়ি
উঠে বসে দেখি — পিসির বাড়ির ছাদে শুয়ে আছি আর আকাশে
একটা কালো সূঁষি উঠেছে। আমাকে উঠে বসতে দেখে কিচকিন্দে

তাড়াতাড়ি বলছে, 'বাবু ঘুমোও, এখনো রাত হবার দেরি আছে, আর একটু রাত হোক তো জেগো।'

'রাত হলে তো ঘুমোব, তখন আবার জাগব কি?'

পিসি বলছেন, 'ও কপাল রাতে বুকি ঘুমোতে হয় আর দিনে জাগতে হয়? খবরদার রাতে ঘুমোসনে— অস্থল হবে, বাত হবে! যাই, রান্নাবান্না হল কিনা দেখে আসি'— বলে পিসি তো গেলেন। কিচ্কিন্দে তখন আমায় বলছে, 'বাবু ভুলে গেলেন? তোমাকে তো বলেছি পিসির দেশে রাতে সূর্যি ওঠে, দিনে চাঁদ। যা মাসির বাড়ি করতে এখানে ঠিক তার উল্টোটি করা চাই, মাসির বাড়ি যদি ঘুমোই রাতে তো এখানে ঘুমোব দিনে, সেখানে যদি চান করি জলে, এখানে করতে হবে বালিতে। খাবার সময় সেখানে যদি বলতে মাসি খিদে পেয়েছে ভাত দাও, এখানে বলতে হবে পিসি খিদে নেই, পেট আই-চাই করছে, ভাত আজ দিয়ো না, খাব না। সেখানে বই পড়তে চোখ খুলে বইখানা সামনে রেখে, এখানে পড়তে হবে চোখ বন্ধ করে বইখানা পিছনে লুকিয়ে রেখে।'

'কিচ্কিন্দে, এ-সব শিখতে তো আমার অনেকদিন লাগবে।'

'তা লাগবে বই কি বাবু! আজ দিনটা একটু পিসির বাড়ি আরাম কর, কাল রাতেই তোমাকে পাঠশালার ভর্তি করে দেব; সেখানে লেখাপড়া খুব ভুলতে পারবে।'

এমন সময় পিসি এসে ডাকছেন, 'ভাত আজ আর খেয়ো না।'

কিচ্কিন্দে তাড়াতাড়ি এক ঘটি বালি এনে দিলে, আমি তাই একটু মুখে দিয়ে পিসির রান্নাভাণ্ডায় হাজির। এদেশে রান্নাঘর নেই, খোলামাঠে উমুন পাতা আছে, তারই কাছে দেধি খান্নার জায়গা। সেখানে একখানা মস্ত কলাপাতা পাতা রয়েছে, আসন-টাসন কিছুই নেই। আমি যেমন কলাপাতার সামনে মাটিতে বসতে গেছি আর পিসি বলছেন, 'ওরে এখানে না, ওই পাতাখানায় বোস!'

'পিসি, পাতায় আমি বসব তো ভাত দেবে কিসে?'

‘এই যে পিঁড়িতে ভাত বেড়ে রেখেছি’— বলে একটা পিঁড়ের ওপরে ডাল ভাত তরকারি সাজিয়ে পিসি আমাকে এনে দিলেন আমি তখন বুঝলুম, এখানে লোকে পাতায় বসে আর পিঁড়ের ভাত খায়! পিসির হাতের কলাইয়ের ডাল আর কাঁকড়ার খোল দিয়ে একপেট ভাত খেয়ে জলের ঘটিতে চুমুক দিয়ে দেখি এক ঘটি বালি—বেশ পরিষ্কার, তাতে আবার গোলাপের গন্ধ ছাড়ছে, আর বেশ মিষ্টি। ঢকঢক করে এক ঘটি বালি খেয়ে ধুলোয় হাত-মুখ ধুয়ে উঠলুম। পিসি একটি পান দিলেন— শুকনো ঘেন তালপাতা। আমরা খাই কাঁচা পানের পাতা, এরা খায় শুকনো তালের পাতা! একপেট খেয়ে ঘুম পাচ্ছিল। কিচকিন্দেকে বললুম, ‘কিচকিন্দে শোবার ঘরটা কোথায়? একটু হুপুরবেলা ঘুমোতো হবে। বিকেলে তোমার সঙ্গে বেড়াতে যাব।’

‘আচ্ছা বাবু’—বলেই কিচকিন্দে একটা ছাদে খাটিয়া পাতা রয়েছে সেইখানে আমাকে এনে বললে, ‘এই খাটিয়াতে একটু গড়াগড়ি দাও, আমি ঠিক সকাল পাঁচটার সময় তোমায় নিয়ে বেড়াতে যাব।’ বলেই কিচকিন্দে চলে গেল। বিছানায় শুতে গিয়ে দেখি, খানকতক ইট পাতা রয়েছে! তখন বুঝলুম এদের বালিস তোষক নরম নয়; শক্ত ইট; আর ছাদ হচ্ছে এদের ঘর, ঘর হচ্ছে ছাদ! ইটের বিছানায় চিত হয়ে শুয়ে কিছুতে ঘুম আসে না, তখন মনে হল দেখি উপুড় হয়ে শুয়ে। যেমন উপুড় হওয়া আর অমনি ঘুম—টিকটিকির মতো ইটের দেয়ালে হাত-পা ছড়িয়ে আরামে ঘুম! এমন ঘুম কখনো হয়নি। যখন বেলা পড়ে এসেছে তখন কিচকিন্দে এসে বললে, ‘বাবু চলো একটু রথতলায় বেড়িয়ে আসি।’

‘চলো’— বলে কিচকিন্দের সঙ্গে এপাড়া-ওপাড়া ঘুরে রথতলায় চলেছি, এমন সময় দেখি গোবিন্দর মা একটি তাঁরু-ছানা নিয়ে তাকে ঘুম পাড়াচ্ছে আর শুর করে ছড়া কাটছে—

‘ধেই-ধেই তাঁরুর মাচন।

বেলা গেল তাঁরু নাচবি কখন।’

তখন পিসির দেশের কালাচাঁদ নাচতে-নাচতে পূবদিকে অস্ত
 যাচ্ছেন আর সোনারচাঁদ নাচতে-নাচতে পশ্চিম দিকে উদয় হচ্ছেন।
 এই দুই চাঁদের আলোয় সমস্ত পৃথিবীটা গোবিন্দর মায়ের ফুলো
 গালের মতো খানিক আলো খানিক কালো দেখা যাচ্ছে। আকাশ
 দেখতে হয়েছে যেন হলদে-আর-কালো ভুরশাড়িখানি। হাওয়া
 বইছে আধেক গরম আধেক ঠাণ্ডা। আমাকে দেখে গোবিন্দর মা
 বলছে, ‘ও কিচকিলে, এ কাদের ছেলে গা?’

‘আমাদের দাদাবাবু গো। মামার বাড়ির লোক। এনাকে
 একবার রথতলাটা দেখিয়ে আনি।’

‘চলো, আমিও যাই একবার রথতলায়’— বলেই গোবিন্দর মা
 হৌদড়-ছানাটি কোলে আমাদের সঙ্গে চলল।

সমুদ্রের ধারেই রথতলা। বেশ জায়গাটি। চারদিকে
 ঝাউবন, মাঝে অনেকখানি বালি— পরিষ্কার ভকতক করছে। তারই
 মাঝে মুড়ো রথখানা— তার চাল নেই, চুড়ো নেই। সেইখানে দেখি
 হারুন্দে হয়েছে সন্দার আর কানুন্দে বাসুন্দে ঝালুন্দে মালুন্দে
 হয়েছে চিতাবাড়ি আর ধাঁইকিড়ি। চিতাবাড়ির দল ধরেছে দুই
 লাঠি, ধাঁইকিড়ির দল ধরেছে দুই লাঠি। হারুন্দে এক-একবার
 হাঁক দিচ্ছে—

‘ইকড়ি-মিকড়ি চামচিকড়ি

চাম্ কৌটো মজুন্দার

ধেয়ে এসো দামুদার—’

আর অমনি দুই দলে ঠকাঠক লাঠি ঠুকছে। দেখতে-দেখতে
 দেখি আর মানুষ চেনা যায় না! কোথায় কানুন্দে কোথায় বাসুন্দে
 কোথা বা ঝালুন্দে কোথা বা মালুন্দে। কেবল একরাশ কাঁকড়া
 আর মাকড়সা বালির ওপর ইকড়ি-মিকড়ি কচ্ছে। আর তাদের
 মাথার ওপরে একরাশ কালো-কালো চামচিকে চামচিকড়ি ডানা-
 গুলো ঝেড়ে-ঝেড়ে উড়ে বেড়াচ্ছে! লড়াই হতে-হতে যেমন একটা

চামচিকে চিক্ করে মাটিতে পড়েছে আর অমনি সব ইকড়ি-মিকড়ি
গিয়ে তাকে ধরে ফেলেছে ! অমনি হারুন্দে ডাকছে—

‘দামুদার ছুতারের পো

হিঙুল গাছে বেঁধে থো ।’

যেমন এই কথা বলা অমনি সবাই মিলে চামচিকের মতো
রোগা-পটকা ছুতারের পো-কে হিংচে গাছে চুলের দড়ি দিয়ে
বেঁধেছে ! তখন হিংচে গাছ কচ্ছে কড়মড় ! তখন ইকড়ি-মিকড়ির
দল হিংচে গাছের চারদিকে হাততালি দিয়ে গান গেয়ে-গেয়ে ঘুরতে
লেগেছে—

‘চাঁদ-চাঁদ-চাঁদ গগনচাঁদ

হিংচে বনে শশী !

ওই এক চাঁদ এই এক চাঁদ—

চাঁদে মেশামেশি ।’

‘ও কিচকিন্দে, এ সব হচ্ছে কী ?’

‘একে বলে চিকড়ি-মিকড়ি খেলা’— বলেই কিচকিন্দে একটা
বাঁশি বাজাতে লেগেছে । আর অমনি দেখি ইকড়ি-মিকড়ি হয়ে
গেছে চিতাবাড়ির দল আর চামচিকড়ি হয়ে গেছে ধাঁইকিড়ির দল !
যেমন কান্দুন্দে বাসুন্দে ঝালুন্দে মালুন্দে ছিল সবাই তেমনি হয়ে
গেছে ! আর নাচতে-নাচতে তারা এসে আমাদের বলছে—

‘ধিনতা নাচন মধুর বচন তোমরা কর কি ?’

অমনি গোবিন্দর মা গাল ফুলিয়ে বলছেন—

‘মনের আনন্দে মোরা খোকন নাচাচ্ছি !’

‘ও গোবিন্দর মা, দেখি তোমার খোকা’— বলেই হারুন্দে
ভৌদড়-ছানাকে নিয়ে যেমন তার পেটে ফুঁ দিয়েছে আর অমনি সে
একটা লক্ষ্মীপ্যাঁচা হয়ে উড়ে পালিয়েছে— একেবারে মুড়ো রথের
চুড়োয় । সেখান থেকে প্যাঁচাটা অমনি ডাকছে, ‘ঘু-ঘু-ঘু মেতি—
সু পেটে— ফুঁ ।’

‘ও কিচকিন্দে, প্যাঁচাটা বলে কী ?’

‘যাও না, তোমায় খেলতে ডাকছে।’

‘ও কিচ্‌কিন্দে, আমি জো উড়তে পারিনে, তবে ওর কাছে যাই
কেমন করে?’

‘উড়বে নাকি?’ বলেই হারুন্দের যেমন আমার পেটে এক ফুঁ
দিয়েছে আর আমি হয়ে গেছি একটা হুমো পাখি হতুম থুমো।
গোবিন্দর মা যেমন আমাকে ধরতে এসেছে আর আমি উড়ে গিয়ে
একেবারে মুড়ো রথের চালে গিয়ে বসেছি। প্যাঁচাটা আমাকে
হঠাৎ দেখেই একটু ভয় খেয়ে গেছে, তারপর যখন দেখছে আমি
তারই বড়দাদা হতুম প্যাঁচা তখন সে আন্তে-আন্তে কানের কাছে
এসে বলছে—

একটি কথা।—কী কথা?

ব্যাঙের মাথা।—কী ব্যাঙ?

সরু ব্যাঙ।—কী সরু?

বামুন গোরু।—কী বামুন?

ভাট বামুন।—কী ভাট?

গো ভাট।—কী গো?

চিতি গো।—কী চিতি?

সোনা চিতি।—কী সোনা?

গিনি সোনা—কী গিনি?

মাহুঘের গিনি।—কী মাহুঘ?

বনমাহুঘ।—কী বন?

খেজুরবন।—কী খেজুর?

ঠিক মজুর।—কী ঠিক?

বেঠিক।

‘ঠিক-ঠিক।’ বলে উড়তে উড়তে আমরা গিয়ে খেজুর গাছে
বসেছি। সেই খেজুর গাছের তলায় কতকালের পোড়ো একটা

আখবাড়ি রয়েছে, তাতে একখানা মরচে-ধরা আখমাড়ার কল,
একটা ভূঁড়োশেয়ালি সেই আখমাড়া কলটা ধরে ঘোরাচ্ছে—
কাঁচকাঁচ। প্যাঁচা দেখেই বলছে—

‘আখবাড়ির পাশে
ভূঁড়োশেয়ালি নাচে।’

আমি বলছি, ‘তারপর?’

‘তারপর শুনবে গল্পটা? তবে শোনো’— বলেই প্যাঁচা
বলছে—

‘এক যে ছিল শেয়াল
তার বাপ দিচ্ছে দেয়াল।’

‘বুঝেছ ভাই— সে ভারি কাণ্ড! বুঝেছ কিনা— “শেয়াল তার
বাপ দিচ্ছে দেয়াল!” শেয়াল দেয়াল দিচ্ছে না, দিচ্ছে তার
বাপ— বুঝেছ? সে ভারি কাণ্ড। শেয়ালের বাপের নাম কী
জানো?—

‘তার বাপের নাম রতা।’

‘সে রতা শেয়াল, বুঝেছ কিনা— দেয়াল যে দিচ্ছে সে রতা
শেয়াল;— শেয়ালের বাপ শেয়াল, বুঝেছ?’

‘এক যে ছিল শেয়াল
তার বাপ দিচ্ছে দেয়াল ॥

তার বাপের নাম রতা।

ফুরোল আমার কথা ॥’

‘তারপর?’

‘তারপর আর কি?’

‘এই বুঝি তোমার গল্প হল? দেখ ভাই প্যাঁচা, একটা যদি বড়
গল্প না বল, তবে তোমার সঙ্গে এই আড়ি দিলুম বলে!’

‘রোসো-রোসো আড়ি দিয়ে না! মনে পড়েছে একটা মস্ত
ব্যাঙের গল্প; বলি শোনো’— বলেই প্যাঁচা আরম্ভ করেছে— ‘ঊঁতি
ধরে ব্যাঙের বাসা! ঊঁতিঘর দেখেছ তো? সেই যেখানে খট-খট

করে তাঁতি-বুড়ো মাকু চালায় আর সর্-সর্ করে কাপড় বার হয়— দশ হাতি, বারো হাতি, চোদ্দ হাতি, খাপা হাতি, পোষা হাতি !’

‘না ভাই, তাঁতশালা কখনো দেখিনি, কিন্তু কাপড়ের হাতি আমি অনেক দেখেছি, আসল হাতির মতোই সেগুলো মোটাসোটা !’

‘আচ্ছা গোল কোরো না, শোনো ফের বলছি—

‘তাঁতি ঘরে ব্যাঙের বাসা, তিনটে পেড়েছে ছানা ।

খায় দায় নিজা যায়, তাঁতঘরে তার থানা ॥’

‘বুঝেছ ?’

‘বুঝেছি, তাঁতির ঘরে তিনটে ব্যাঙের ছানা হল । কিন্তু তারপর কী হল তো বুঝতে পাচ্ছিনে !’

‘এঃ, তুমি ভাবি বোকা ! তাঁতির ঘরে ব্যাঙের তিনটে ছানা হল, বাড়ির সবাই যখন খেয়ে-দেয়ে ঘুমোতে গেল, তখন তাঁতি-বুড়ো গিয়ে থানায় খবর দিচ্ছে— দারোগা সাহেব, তিনটে ব্যাঙের ছানা আমার সব সূতো খেলে— সর্বনাশ করলে ।

‘কি, আমি থাকতে ডাকাতি ? রামসিং, আমায় এক ছিলিমতামাক দাও আর তাঁতির সঙ্গে গিয়ে বেঁধে আনো সেই ব্যাঙ তিনটেকে !— বলেই দারোগা-সাহেব গুড়গুড়ি টানতে-টানতে খাটিয়াতে গুলেন । যেমন শোয়া আর অমনি ঘুম ! এখন তো— “খায় দায় ঘুম যায়, তাঁতঘরে তার থানা”— এটার মানে বুঝলে ? তারপর শোনো—

‘সুবুদ্ধি তাঁতির ব্যাটা কুবুদ্ধি ধরিল ।

তার একটি ছানারে পায়ে চেপে মেল ॥

‘সুবুদ্ধি তাঁতি ঠিক কাজ করেছিল— রামসিং এসে তিনটি ছানাকেই পুলিশে নিয়ে জরিমানা করে দিল— কিন্তু সুবুদ্ধির ছেলে কুবুদ্ধি করেছে কি, আন্তে আন্তে একটি ব্যাঙকে ধরেছে, ধরেই পা দিয়ে এক টিপনি ! আর অমনি ফটাস করে ভূঁইপটকার মতো ফেটে গেছে ব্যাঙের পেট, যেমন ফটাস করে শব্দ হওয়া অমনি ছুটো

ব্যাঙ পগার পার— একটা গিয়ে মাঠের ধারে গাছে চড়েছে, আর
একটা করেছে কী, বলি তবে শোনো—

‘আর একটি ব্যাঙ ছিল বড়ই সিয়ানা।

লিখন পাঠায়ে দিল পরগনা-পরগনা ॥

আজ্জিপুর গাজ্জিপুর মধুপুর ডাঙা।

লক্ষ ব্যাঙ এল তথা চক্ষু করে রাঙা ॥

‘এসেই কুবুন্ধির মুখে লাখি! লক্ষ ব্যাঙের রাঙা চোখ দেখেই
তাঁতির পোর প্রাণ উড়ে গিয়েছিল, তার ওপর ব্যাঙের লাখি খেয়ে
সে তো আধ-মরা হয়ে থাক। এদিকে সুবুদ্ধি আর রামসিং দোবে
আসছেন রাজহাটের মাঠ দিয়ে—এমন সময় হল কি? না—

‘মৃতোনাতা নিয়ে তাঁতি যাচ্ছে রাজার হাট।

লক্ষ ব্যাঙে তাড়াতাড়ি আগুলিল হাট ॥

‘যেমন ব্যাঙগুলোকে দেখা অমনি রামসিং তালপাতার-সেপাই—
বাপরে! বলে মেরেছে এক দৌড়। তাঁতি তখন আর করেন
কি, না—

‘ভরাসে মরাসে তাঁতি গাছেতে উঠিল।

‘একটা ছিল মুড়ো খেজুর গাছ, যেমন তাড়াতাড়ি ওঠা আর
অমনি—

‘কোথা ছিল কোলাব্যাঙ মুখে লাখি মেল ॥

‘লাখির ওপর লাখি! কোলাব্যাঙের লাখি খেয়ে তাঁতি ভো
মরো-মরো; ধপাস করে পড়েছে খেজুরতলায় আর অমনি সব ব্যাঙ
তাকে এসে ধরেছে! তখন সেই সিয়ানা ব্যাঙ বলছে— ছেড়ে দাও—
ছেড়ে দাও—

‘মেরো না ধর না, ভাই তাঁতিরে গৌসাই।

‘এখনি দারোগা এসে হাতে হাতকড়ি দেবে। পায়ে বেড়ি
পড়লে তখন পালানো দায়। সরে পড় এইবেলা!— বলতেই যত
ব্যাঙ আজ্জিপুরে গাজ্জিপুরে চম্পট! এদিকে তো—

‘মেরো না ধর না, ভাই তাঁতিরে গৌসাই।

'ওদিকে রামসিং এসে তার হাতে দিয়েছে হাতকড়ি।'
 'কেন, তাঁতির হাতে দড়ি পড়ল কেন?'
 'তার ছেলে কুবুন্দির ব্যাঙ মেরেছে বলে।'
 'কুবুন্দির কি হল?'
 'কুবুন্দির পায়ে বেড়ি পড়ল। আর কি হবে?'
 'পরে সেই রামসিং দোবের কিছু হল না?'
 'হল বৈকি। ব্যাঙের দিগ্টিতে তার মুখ পুড়ে গেল, মুখে আর
 কিছু রোচে না—

‘নিম লাগে মিষ্টি !

সন্দেশ লাগে তেতো !

মুড়কি বলে ঝাল !

‘সে কেবল ঘুস খেয়ে-খেয়ে-ছিটি ব্যাঙের পালাগালি খেয়ে-খেয়ে
 বেড়াতে লাগল।’

‘আর সেই দারোগা কি করলে?'

‘সে আর করবে কি? ব্যাঙেরা তার গায়ে যত ধুলো দিলে
 সে তা ফুঁয়ে উড়িয়ে মনের আনন্দে গায়ে ফুঁ দিয়ে বেড়াতে
 লাগল।’

বলেই যেমন প্যাচা ফুঃ করে ফুঁ দিয়েছে আর অমনি সেই ফুঁ
 এসে আমার গায়ে লেগেছে। যেমন গায়ে লাগা আর আমি মানুষ
 হয়ে যাওয়া, যেমন মানুষ হওয়া আর ধুপুস করে ভান্দর মাসের তালের
 মতো মাটিতে পড়া আর ভূঁড়োশেয়ালি খপ্ করে আমাকে তুলে
 দে-ছুট! এক ছুটে শেয়ালটা আমাকে তালতলাতে এনে
 হাজির করেছে। সেখানে একজোড়া ছেঁড়া তালতলার চটি
 পড়েছিল, সেইটে মুখে করে এনে শেয়াল আমাকে বলছে,
 ‘খাবে?’

আমি বলছি, ‘দূর! আমি কেন জুতো খেতে গেলুম!
 তুই খা!’

অমনি শেয়ালটা কসমস করে চটি জুতোটা গিলে ফেলেছে,
তারপর আমার দিকে চেয়ে বলছে—

‘বাপ ভনরি !

কি খাইতে সাধ করেছ ?—চালদা মশুরি ?’

আমি শেয়ালকে বলছি, ‘দেখ শেয়াল, আমার নাম ভনরি নয়
আর আমি তোমার বাপও নয়। আমাকে ভুল করে এখানে এনেছ।
আমি চালদা পেলে খাই কিন্তু মশুরি খাটিয়ে তার ভেতর আমার
ঘুমোই, মশুরি আমি কিছুতে খাব না !’

শেয়ালটা বোধহয় আমার কথা বুঝলে না, সে আবার বললে—

‘বাপ নন্দলাল !

কি খাইতে সাধ করেছ ?—পাকা তাল ?’

‘ওরে বাপু, আমি নন্দলালও নই, ভনরিও নই, তোর বাপও
নই ! তোর বাপের নাম হল রতা আর আমার নাম হল অবু।
ছুটো তাল পেড়ে দাও তো খাই, নয়তো বল ঘরে যাই। তালের
বড়া কিম্বা তালফুলুরি, না হয় গাছপাকা তাল, এই তিনটির একটা
যদি দিতে পার তো থাকি, নয়তো আমাকে বাপু পিসির বাড়ি
রেখে এসো।’

‘এই তো তুমি অস্থায় কইলে। তাল তোমাকে দিই
কেমন করে ? তালগাছে কে থাকে জানো ?’ বলেই শেয়ালটা
বলছে—

‘এক যে আছে একা-নোড়ে,

সে থাকে তালগাছে চড়ে।

দাঁত ছুটো তার মুলোর মতো,

পিঠখানা তার কুলোর মতো !

কান ছুটো তার নোটা-নোটা,

চোখ ছুটো আগুনের জাঁটা !

কোমরে কিছুলি দড়ি

বেড়ায় লোকের বাড়ি-বাড়ি।

ভাল খেতে যে কাদে—
তারে কুলির ভেতর বাঁধে ।

গাছের ওপর চড়ে
আর তুলে আছাড় মারে ।’

‘ওইরে একা-নোড়ে !’— বলে শেয়ালটা যেমন আমায় ভয়
দেখিয়েছে অমনি আমি ভ্যাঁ করে কঁদে ফেলেছি, আর অমনি কি
একটা ভালগাছে উড়ে এসে বসেছে আর মাথা নেড়ে-নেড়ে বলছে—

‘কান-কাটাটা বলে আমি

এই গাছেতে আছি ।

যে ছেলেটা কাদে তার

কানে ধরে নাচি ॥’

আমার তখন আরো ভয় হয়েছে, আমি দুই হাতে কান চেপে ধরে
কঁাস-কঁাস করে ফুঁপিয়ে একেবারে চিংকার করে কঁদে উঠেছি ।
অমনি শেয়াল বলে উঠেছে, ‘কেয়া ছয়া কেয়া ছয়া !’ আর সেখানে
যত শেয়াল ছিল সব ছুটে এসে ডাকতে লেগেছে, ‘ক্যাহুয়া-ক্যাহুয়া-
ক্যাহুয়ারে-ক্যাহুয়া ?’

বুড়ি খ্যাকশেয়ালি ছিল গর্ভের ভেতর, তাড়াতাড়ি বেরিয়ে এসে
বলছে, ‘তোরা কী গোল লাগিয়েচিস ! ভালো করে দেখ দিকিন
কে ?’

যত ভূঁড়োশেয়াল আমার মুখের কাছে এসে আলেয়া ধরে-ধরে
দেখছে আর খ্যাঁ-খ্যাঁ করে হেসে পালাচ্ছে । এমন সময় অন্ধকার
থেকে হাতি আমার পিঠে শুঁড় বুলিয়ে বলছে—

‘ওরে-বাপ নয় রে মানুষ

উড়ে পড়ল ফাঁদুল !’

মানুষের নাম শুনেই শেয়ালদের ভয় হয়েছে । তখন তারা সব
ল্যাজ গুটিয়ে হাতজোড় করে বলছে—

‘বাপধন রাজার মাতি

চড়ে কে গো মস্ত হাতি !’

যেমন শেয়ালরা এই কথা বলা আর অমনি হাতি ঝুঁড়ে করে
তুলে নিয়ে আমাকে পিঠে উঠিয়েছে! হাতিতে চড়ে আমার ভারি
আহ্লাদ হয়েছে, আমি হাততালি দিয়ে বলছি—

‘তাই-তাই-তাই মামার বাড়ি যাই।’

অমনি হাতি বলছে, ‘তোমার মামার বাড়ি কোথায় বলো তো?’

‘আমার মামাবাড়ি যশোর দক্ষিণডিহি চেঙুঠে পরগনা।’

‘আচ্ছা চলো সেখানেই যাচ্ছি’— বলেই হাতি চলতে আরম্ভ
করলে—হুস-হাস-ধপাস-ধপাস! দেখতে-দেখতে মামাদের কলা-
বাগানে এসে পড়েছি। সেখানে দেখি হুমুমান ছপ-ছপ করে
লাফিয়ে বেড়াচ্ছে। যেমন আমি বলেছি—

‘ও হুমুমান, কলা খাবি?’

জয়জগন্নাথ দেখতে যাবি?’

অমনি হুমুমান দাঁত-খামাটি দিয়ে মুখ ভেঙে বলছে, ‘রাম-রাম!
রোস তো আহুরে ছেলে! তোর মামার বাড়ি যাওয়া বার করছি!’
বলেই হুমুমান একটি কলা নিয়ে যেমন ডেকেছে—

‘আহুরের কলাগুলি বাহুড়ে খায়,

ধর-ধর খোকামণি মামার বাড়ি যায়।’

আর অমনি ছুটো বাহুড়ে এসে ছোঁ মেরে হাতির পিঠ থেকে
আমাকে তুলে নিয়ে দৌড়—একেবারে পিসির তেঁতুলতলায়!
সেখানে আমাকে এনে ফেলেই বাহুড় ছুটো হয়ে গেছে হারুলে আর
কিচ্কিলে! তাদের দেখে আমার ভারি রাগ হয়েছে, কেবল
মামার বাড়ি যাচ্ছিলুম, কেবল যেতে দিলে না আমাকে এই ছুটো
বাহুড়! যেমন এই কথা মনে করেছি আর অমনি কিচ্কিলে
বলছে, ‘মামার বাড়ি যাচ্ছিলে তো যাচ্ছিলে, কলাবাগানে হুমুমান-
জিকে বলতে গিয়েছিলে কেন—

‘ও হুমুমান, কলা খাবি?’

জয়জগন্নাথ দেখতে যাবি?’

‘জয় সীতারাম দেখতে যাবি— বলতে পার নি? হু হু রেগে

তোমার ইস্কুলের ছুটি কেটে দিয়েছে, এখন আর তুমি পিসির বাড়ি থাকতে পারবে না, এখন তোমায় গুরুমহাশয়ের পাঠশালে পড়তে হবে আর জোড়া-বেত খেতে হবে। চলো’— বলেই আমাকে পালকিতে ভরে হারুন্দে আর কিচকিন্দে পাঠশালায় নিয়ে চলল।

‘ওরে আমাকে তোরা ছেড়ে দে, আমি এমন কাজ আর কখনো করব না। ও কিচকিন্দে, তোর পায়ে পড়ি আমাকে গুরুমশায়ের কাছে দিসনে, আমি পড়ব না, আমি ছবি লিখব, আমি যাব না পাঠশালে যাব না— আ— আ’ বলে পালকির ভেতর আমি হাত-পা আছড়ে কাঁদতে লেগেছি। জোড়া-বেতের নাম শুনে ভাবি ভয় হয়েছে। হারুন্দে কিচকিন্দে পালকির দুই দরজা চেপে ধরে আমাকে গুরুর পাঠশালে হাজির করে বলছে—

‘গুরু-মশাই গুরু-মশাই

তোমার পোড়ে! হাজির।

চড়চড়িয়ে পড়ুক বেত

হোক বিচার কাজির ॥’

শুনছি গুরুমশায় ঘরের ভেতর থেকে মস্তুর পড়ছেন—

‘আয় ধুগ্‌ড়ি যায় ধুগ্‌ড়ি

ধুগ্‌ড়ি মস্তুর গায়।

চড়চড়িয়ে পড়ুক বেত

পড়পড়িয়ে যায় ॥’

যেমন এই মস্তুর পড়া আর দেখি জোড়া-বেত নাচতে-নাচতে গুরুমশায়ের ঘর থেকে বেরিয়ে এল। সঙ্গে-সঙ্গে মাছরাঙা গুরুর নাকের ওপরে চশমা লাগিয়ে এসে বলছেন, ‘পড়—

‘লিখিবে পড়িবে মরিবে দুখে।

মংস্তু ধরিবে খাইবে সুখে ॥’

আমার তখন ভয়ে কি পড়া আসে! আমি বলে কলেছি—

‘লিখিবে পড়িবে লিখিবে সুখে।

মংস্তু ধরিবে মরিবে দুখে ॥’

অমনি গুরু এক বেতের খোঁচা দিয়ে বলছেন, ‘ভুল হল !
লেখাপড়া করলে কি হয় ? সুখে থাকে ? না দুঃখে থাকে ?’

আমার তখন মনে পড়েছে পিসির বাড়িতে সব উল্টো। আমি
অমনি ফস করে বলেছি, ‘দুঃখে থাকে মশাই, দুঃখে থাকে !’

‘ভালো রে ভালো ! আচ্ছা তোর নাম তো অবু ? লেখ
দেখি—

‘অবু তবু গিরি স্তূতা ।

মায়ে বলে পড় পুতা ॥

পড়লে শুনলে দুখি ভাতি ।

না পড়লে ঠ্যাঙার গুঁতি ॥’

আমি জানি সব উল্টো লিখতে হবে, না হলে বেত, কাজেই
আমি মাটিতে খড়ি দিয়ে একটা চৌকো ঘর কেটে লিখছি—প্যাঁচা-
পেঁচি দুই ভূতা। কিন্তু যেমন লিখছি—মায়ে বলে পড় পুতা—
অমনি আমার মাকে মনে পড়ে গেছে, আমি খড়ি কেলে দিয়ে
একেবারে পাঠশালা থেকে দৌড় ! এক-দৌড়ে বগীতলায় হাজির।
সেখান থেকে দেখছি—গঙ্গার ওপারে তুলসীগাছের পাতা খুর-খুর
করছে, তারই তলায় মা-আমার দুগ্গো-পিদিম জ্বলছেন ! ওদিকে
দেখছি গুরুমশায় ঠ্যাঙার গুঁতি হাতে, সঙ্গে হারুন্দে, কিচকিন্দে
আর সেই মনসা-বুড়ো আর আংলা-কাংলা-বাংলা যত ভূত-
পেরেত ! যেমন গুরুকে দেখা আর ‘মা !’ বলে গঙ্গায় ঝাঁপিয়ে
পড়েছি, অমনি দেখি আমাদের বাড়িতে হাজির। সেখানে দেখি ঝড়
হচ্ছে, শিল পড়ছে, আর আমবাগানে আমার ছোটো-ছোটো দাদা-
দিদিরা আমকুড়োতে লেগেছে। আমিও মায়ের বাড়িতে ঝাঁটল
ভরে শিল আর আম কুড়োতে লেগে গেছি। ভূত-পেরেত কেউ
সেখানে আসবার জো নেই। এসেছে কেবল আমার সঙ্গে উড়তে-
উড়তে গোবিন্দর মায়ের ভৌদড়-ছেলে, আর আমার বন্ধু সেই
লক্ষ্মীপ্যাঁচাটি। তাকে একটা আমগাছের কোটরে বাসা বেঁধে
দিয়েছি, রোক রান্তিরে সে আমগাছের গায়ে কুঁ দেয় আর আমি মাসির

বাড়ি, পিসির বাড়ি উড়ে বেড়াই। আমার ভূতপত্নী লাঠিটি
কিন্তু গোবিন্দর মা চুরি করে রেখে দিয়েছে। লাঠি নইলে তো
চলতে পারি না। তোমরা সবাই চাঁদা করে যদি আমাকে
একটা আঁকাবাঁকা লাঠি কেনবার পরস। দাও তবে সেইটে
নিয়ে আমি একবার মামার বাড়ি যাই, আর তোমাদের
জন্তে বাঁকানদীর ধার থেকে অনেক আঁকাবাঁকা ছবি জোগাড়
করে আনতে পারি।